

3006580



№ 3

1929

3006580



პიონერებო!

ჩვენს წინაშე ამჟამად მეტად მნიშვნელოვანი ამოცანა დგას. ეს არის მოსავლიანობისათვის ლაშქრობის ჩატარება.

ლაშქრობა მოსავლიანობისათვის ტარდება საქ. კომკავშირის მიერ, რომელიც დაიწყება თებერვლის 15-დან და გასტანს მოსავლის საშემოდგომო დღე-სასწაულამდე.

ჩვენ, პიონერები, ვალდებულნი ვართ კომკავშირელებთან ხელი-ხელიაკიდებული გავყვეთ იმ ლაშქარს, რომელიც ზრუნავს საბჭოთა ქვეყნის მინდვრების განაყოფიერებისა და სასოფლო მეურნეობის კოლექტივიზაციისათვის.

წელს სოფლის ყველა კოლექტივი უკვე უნდა ემზადებოდეს საგაზაფხულო თესვის კამპანიის სათანადოდ ჩატარებისათვის.

საბჭოთა საქართველოს ყველა კუთხეში უნდა გაჩაღდეს პიონერთა კოლექტივების მუშაობა და იზრუნონ მოსავლიანობისათვის.

ლაშქრობის დროს პიონერებმა ხშირი საუბრები უნდა გამართონ გლეხებთან და მისცენ მათ რჩევა-დარიგება სათესლე ხორბლეულობის გადარჩევაში. გამოცდილება კი გვეუბნება, რომ იმ გლეხს, რომელიც ყანაში გადარჩეულ ხორბალს სთესავს, ბევრად მეტი მოსავალი მოსდის, და პიონერებიც სწორედ ამიტომ არიან ვალდებულნი განუმარტონ გლეხებს სათესლე ხორბლეულის გადარჩევის მნიშვნელობა.

აქვე მოვიყვანთ მაგალითს, თუ როგორი შედეგი მიიღო ერთმა პიონერ-კოლექტივმა, რომელმაც თავის ქცევა მიწაზე გადარჩეული ხორბალი დათესა.

პიონერებმა აიღეს 300 მარცვალი ხორბალი და გადარჩიეს — მიიღეს სამი სხვადასხვა ხარისხის მარცვალი: მსხვილი, საშუალო და წვრილი. სამივე ხარისხის ხორბლისაგან დათესეს ას — ასი მარცვალი. მოსავლის მოწვევის დროს გამოირკვა, რომ მესამე ხარისხის 100 მარცვალში განაყოფიერდა მხოლოდ 43, და 100 მარცვალი მხოლოდ 2 გრამს იწონიდა.

მეორე ხარისხის 100 მარცვალში კი განაყოფიერდა 69 და მათგან მიღებული ხორბლის 100 მარცვალი 3¹/₂ გრამს იწონიდა, ხოლო პირველი ხარისხის (ე. ი. მსხვილი) 100 მარცვალში განაყოფიერდა 87, და 100 მარცვალი ხორბალი 6 გრამს იწონიდა.

აქედან ცხადია, თუ რა დიდი მნიშვნელობა აქვს სათესლე ხორბლეულის შერჩევას. მაშასადამე, თუკი გლეხები ყანებში გადარჩეულ ხორბალს დათესავენ, მათი მოსავალიც ერთი-ორად გაიზრდება...

საბჭოთა კავშირში მოსავალი წელს, გასული წლებთან შედარებით, 35 პროცენტით უნდა გაიზარდოს.

ამაზე მსჯელობდენ ამ რამოდენიმე ხნის წინათ ცაკის სესიაზე შეკრებილნი, და პიონერებმაც სწორედ ამ ამოცანის გადაჭრას უნდა შეუწყონ ხელი.

ამთავითვე უნდა დაიწყოს შეჯიბრი მოსავლიანობის ხელის შექმნა კოლექტივისათვის.

პიონერთა მთელი ენერჯია ამ საქმეს უნდა მობარდეს.

ამასთან ერთად, ლაშქრობის დროს ჩვენს წინ დგას კიდევ სხვა საკითხები: სათესი მინდვრების გასინჯვა, ნიადაგის სათანადოდ განაყოფიერება, ნათესის მოვლა, პიონერ-კოლექტივებთან და სკოლებთან საბალო და საბოსტნე მიწების შექმნა და მრავალი სხვ.

ამასთანავე უნდა ვებრძოდეთ მინდვრების, ბაღების და ბოსტნების ყველა მავნებლებს.

ამ ამოცანების შესრულებაში პიონერებმა აუცილებლად უნდა შეაკავშირონ გლეხური ახალგაზრობა.

არ უნდა დაგვაფიწყდეს ისიც, რომ პიონერთა კოლექტივებს ევალებათ განსაკუთრებული ენერჯიით დაეხმარონ ღარიბ ოჯახებს, ქვრივებს და წითელარმიელთა ოჯახებს მათი მეურნეობის გაუმჯობესებაში.

პიონერები ვალდებულნი არიან, სოფლის საბჭოების დახმარებით, ღარიბ ოჯახებისათვის შეიძინონ და გადაარჩიონ სათესლე ხორბალი და, თუკი საჭირო შეიქნა, შეაგროვონ თვით სოფელში სათესლე ხორბალი ღარიბთა ყანების დასათესად.

მოსავლიანობისათვის ლაშქრობის დროს თავისი წვლილი უნდა შეიტანონ ქალაქელმა პიონერებმაც.

მათ შეუძლიათ აიღონ შეგობა სოფლის პიონერთა კოლექტივებზე, დაეხმარონ მათ ლაშქრობის წარმატებით ჩატარებაში, მიაწოდონ სოფლის კოლექტივებს სათანადო ლიტერატურა სოფლის კულტურული მეურნეობის შესახებ.

ყველა სოფლის პიონერ-კოლექტივებო, შეუდექით მუშაობას ჩვენს სასოფლო მეურნეობის ასაღორძინებლად!..

შ. ასტაშევა.

შ ი ნ ა ა რ ს ი:

1. 25 თებერვალი — მ. ელიჯარაშვილი	88	10. მოჯამაგირე თოხა ა. ჩ — ი ა.	89
2. ბავშთა კომ. რესპ. ორგან. მუშაკთა თათბ. გამო — აკ. მახათაძე	1	11. კულტურული ლაშქრობა საბჭოთა კავშირში	10
3. მენშევიკურ საპრობლეში — ბ. ბიბინეიშვილი	2	12. გაზეტი	13
4. მუშურ-გლეხური წითელი არმია — გ. ო.	3	13. საბჭოთა ქვეყანაში — ნ. ს — ი.	14
5. იეში ნიმურა — ს. ერთაწმინდელი	6	14. ბურჟუაზიულ ქვეყნებში — კ. მელაძე	18
6. პიონერის თქმა — ლექსი — აკაკი სოხაძე	7	15. მიმიკრია და უცნაური მნათობნი — ისარი	19
7. 25 თებერვალი — ლექსი — ს. წიგელი	9	16. დირიჟაბლის გაყინვის საწინააღმდეგო საშუალება — თ. ჩერქეზიშვილი	19
8. ზამთრის სურათები — ლექსი — გ. გაბესკირია	9	17. თამაშობანი — გარეკანზე	20
9. პიონერი გივი — ლექსი — კალე ბობოხიძე	10		
	11		



329.153(05)

კ-47.

მუხათა ქლასის საქმისათვის იხავ მზალი



კ ი ლ ნ ე რ ი

1929

15 თებერვალი

საქართველოს მ. კ. ო. ცენტრალური და ტფილისის ბიურო-
ების (საქ. ა. ლ. ვამკავშირის ცეკასთან) და განათლების
სახალხო კომისარიატის სოციალური აღზრდის მთავარმა-
რთველობის ეურნალი ბავშებისათვის

წელიწადი IV
№ 3

25 თებერვალი

ძვირფასო ბავშებო! რვა წელი სრულდება დღიდან საქართველოს გასაბჭოებისა.

ეს იყო 1921 წლის 25 თებერვალი. დიდხანს იბრძოდა საქართველოს პროლეტარიატი, განსაკუთრებით დღიდან თვითმპყრობელობის დამხობისა (1917), როდესაც მენშევიკებმა სხედასხვა ხრიკებით, ცრუ კენჭის ყრით და სხვა მათთვის საკდრისი საშუალებით იგდეს ხელში ხელისუფლება. გაჩაღდა ბრძოლა. ერთ მხარეს იყვნენ თავად-აზნაურობა, სამღვდელეობა და შეცდომაში შეყვანილი ზოგი მუშა და გლეხი, რომლებსაც ხელმძღვანელობდნენ შემთანხმებელ-გამყიდველი მენშევიკები, მეორე მხარეს — მუშები და გლეხები კომუნისტური პარტიის ხელმძღვანელობით.

არაფერს ერიდებოდა მენშევიკების მთავრობა ხელისუფლების შენარჩუნებისათვის: დატუსაღება, გადასახლება, დახრეცა, წამება, ბურჟუაზიული ქვეყნების (ინგლისის, იტალიის და სხვა) ჯარების შემოყვანა და სხვა. მაგრამ 1921 წლის 25 თებერვალს რუსეთის პროლეტარიატის და წითელი არმიის დახმარებით დაემხო მენშევიკური მთავრობის ძალაუფლება.

აღმათ, ბევრ თქვენგანს ახსოვს, თუ რა გააკეთეს ამ „ქართველი ერის აყვავებისათვის თავგანწირულმა შვილებმა“.

გაიწმინდა მათგან ჩვენი საზღვრები, და დაიწყო ნორმალური ცხოვრება. მე მგონია, აღარ უნდა იყოს ისეთი მუშა, გლეხი, პატიოსანი მოქალაქე, რომელიც არა ხელმძღვანელს, რა მოგვცა ამ რვა წელმა: მუშებისათვის ბინების აგება, წარმოებების გაფართოება, შეკეთება, ხელფასის გადიდება, შვილი ხანათის სამუშაო დღეზე გადასვლა, კლუბების, სამკითხველოების გაშენება, გლეხების ცხოვრების პირობების გაუმჯობესება, ტრაქტორების და სხვა მანქანების შეძენა, კომუნების შექმნა, სოფლად კოლპეკაციის განვითარება, „ზაჰესი“, „რიონჰესი“, „აბჰესი“, „აქარჰესი“... აი რა „პატარა“ საქმეები გაკეთდა ამ „დიდ“ ხანში!

განა შეგვეძლო ნატერა იმისა, რაც ეხლა ჩვენა გვაქვს? ცხადია, არა. ავილოთ ჩვენთვის უახლოესი და უმნიშვნელოვანესი საკითხი — სკოლა. ყველა ღარიბ ბავშს აქვს უფასოდ სწავლის საშუალება; ხელმისაწვდომია სახელმძღვანელოები, აღარ არიან ისეთი მასწავლებლები, რომლებიც ჟანდარმებს უფრო ჰგავდნენ მოწაფეებისადმი თავისი უხეში მოპყრობით, ვიდრე მასწავლებლებს, მთელ რიგ სკოლებში მოწყობილია საკლუბო დღეები, ცხელი საუზმეები, ყურადღებას აქცევენ ჩვენს კულტ-განვითარებას და სხვა.

ავილოთ გასართობნი: არსდება სპეციალური ბავშთა თეატრები (მოზარდ მაყურებელთა თეატრი და სხვა), ეწყობა საბავშვო დიღები და კინო-სენსები, უშვებენ სპეციალურ კინო-სურათებს, ეწყობა თამაშობანი და სხვა.

ავილოთ ოქტომბრის შვილი — პიონერ-ორგანიზაცია, სადაც ყველა მშრომელის შვილს შეუძლია შევიდეს და იმუშაოს. რა ჰქონდათ ამის მაგვარი მათ?

მაგრამ არა კმარა გასაბჭოების რვა წლის თავზე იცოდნენ შენი მიღწევები, შემოიღო ფეხი ფეხზე და გულდამშვიდებული იყო. ჯერ შორსა ვართ კი დევ, ბევრი გვაქვს გასაკეთებელი, ბევრი სიძნელე გვიდგას წინ, რომლების გადალახვაც შეიძლება მხოლოდ მაშინ, როდესაც ყველა პიონერი, ყველა მოწაფე ივრძნობს, რომ მას კიდევ ბევრი აქვს გარდასაქმნელი, როდესაც ის როგორც თავის კერძო, ისე საერთო საქმეს დაუკავშირებს საზოგადოებას და მის ინტერესებს, მიიღებს მხურვალე მონაწილეობას, როგორც თავისი ცხოვრების (ახალი სკოლის, პიონერ-ორგანიზაციის) გარდაქმნა-შეწინებლობაში, ისე საერთო საზოგადოებრივ ცხოვრებაში.

აი ეს არის ჩვენი მიზანი. ასე გვინდა შევხედოთ ჩვენ საბჭოთა საქართველოს დიად დღესასწაულს — 25 თებერვალს.

მ. ელიჯარაშვილი

საქართველოს კომუნისტური პარტია

გავშთა კომუნისტური რესპუბლიკანური ორგანიზაციების მუშაობა თათბირის გზით.

15 თებერვლისათვის მოწვეულია ს. ბ. კ. ო. მუშაკთა მეოთხე რესპუბლიკანური თათბირი, რომელმაც, ერთის მხრივ, უნდა გაუკეთოს ჩვენს განვლილ მუშაობას და, მეორეს მხრივ, დასახოს ს. ბ. კ. ო. მომავალი მუშაობისა და განვითარების გზები.

მეოთხე თათბირი თავისი მნიშვნელობით აუცილებლად საპატიო ადგილს დაიკავებს, იმიტომ რომ მესამე თათბირის შემდეგ ჩატარდა საქ. ა. ლ. კ. კ. მე-9 და საქავშირო კომკავშირის მე-8 ყრილობები, რომლებმაც მოგვცეს ნორჩ პიონერთა შორის მუშაობის და მასზე კავშირის ხელმძღვანელობის გეზი. ამას ემატება გასულ თვეებში ა. - კ. ბ. კ. ო. და საქ. მასშტაბითაც ჩატარებული თათბირები, რომლებმაც სწორედ ასახეს დღევანდელი პერიოდი ნ. ბ. ო. განვითარებისა და, რაც მთავარია, რადიკალური გარდატეხა შეიტანეს პიონერთა ორგანიზაციის მუშაობისა და აღზრდის სისტემაში.

ჩვენი თათბირი განიხილავს შემდეგ საკითხებს:

1) მოხსენება ადგილებიდან (თ. ო. „26“ რაიონის, ქუთაისის მაზრა და ოზურგეთი). აღნიშნული ორგანიზაციები წინასწარ იქნენ გამორკვეული და შესწავლილი. აგრეთვე ამ სამი დამახასიათებელი ორგანიზაციის მოხსენებებიდან ჩვენ შეგვიძლია დავხატოთ მთელი საქართველოს ბ. კ. ო. მუშაობისა და მდგომარეობის სრული სურათი.

2) მუშაობის ახალი სისტემა — ამ საკითხის განხილვის შემდეგ მთელი საქ. ორგანიზაცია გადავა მუშაობის ახალ სისტემაზე, რომელიც აგებულია პიონერთა და საერთოდ ბავშვთა ჯანსაღი თვითმკვლევების საფუძველზე და შეესაბამება პიონერთა ფართო მასების მოთხოვნილებებს. უხადია, ახალი სისტემით მუშაობის დაწყება არც ისე ადვილია, მაგრამ მას ჩვენ დავძლევთ, ვინაიდან ჩვენ გვაქვს რუსეთის მოძმე და ჩვენი (ტფილისის) ორგანიზაციების გამოცდილება.

3) ნ. ბ. ო. ამოცანები სოფ. მეურნეობის განვითარებაში და მის კოლექტივიზაციაში; პარტიის, ხელისუფლების და კომკავშირის საქმიანობა და ამოცანები ამ დარგში პირველ გამოხმაურებას უნდა ჰპოვებდეს პრაქტიკული საქმიანობით პიონერ-ორგანიზაციაში. ამ ფრონტზე მუშაობის ცდები ჩვენ გვაქვს, მაგრამ უნდა გამოვტყდეთ, რომ რუსეთის ორგანიზაციები ძალზე გვისწრებენ წინ, თათბირზე ამ საკითხის დამუშავება კი მოგვცემს საშუალებას სოფ. მეურნეობის განვითარების საქმეში დავეხმაროთ პარტიას და კომკავშირს.

4) პიონერ-მოდრობა და სკოლა, კულტურული რეგოლუტიის საკითხი და ჩვენი განათლების სისტემის თანდათანობითი გარდაქმნა ისე, რომ მან შესძლოს სოციალიზმის მშენებელთა ახალი კადრების აღზრდა, უზიდეს ყურადღებას მოითხოვს სკოლისადმი. კომკავშირის უახლოეს თანამშემწეს ამ საქმეში უნდა წარმოადგენდეს პიონერთა ორგანიზაცია. უკანასკნელს სასკოლო საქმიანობაში და, რაც მთავარია, სასკოლო ცხოვრების ხელში აღების საკითხში დიდი მიღწევები აქვს, მაგრამ ნაკლიც ჯერ ბევრია. თათბირმა პრაქტიკული გამოსავალი უნდა მოგვცეს საქმის კიდევ უფრო განსამტკიცებლად.

5) ნ. ბ. ო. ხელმძღვანელობის სისტემა. ეს საკითხი, ერთის მხრივ, გამომდინარეობს მუშაობის ახალი სისტემიდან და მეორეც — კომკავშირის აპარატის და ყოველგვარი მუშაობის რაციონალიზაციიდან.

მეექვსე საკითხი — ეს არის სექციების მუშაობა. თათბირზე იმუშავებს ერთი სექცია — ოქტომბრულთა შორის და სასკოლო ასაკამდე აღზრდის დაწესებულებებში მუშაობის სექცია. ამ სექციების მუშაობაც მოგვცემს პასუხს იმ მტკივნეულ საკითხებზე, რომელიც ჩვენ საქმოდ მოგვეპოვება.

თათბირი თავისი შემადგენლობით საკმოდ ფართე იქნება, მას დაესწრებიან ქვედა მომუშავეები (თემბიუროს თავმჯდომარეები და კოლექ. ხელმძღვანელები), ამიტომ ჩვენ საშუალება გვექნება ფართედ გამოვამზეუროთ ნ. ბ. ო. გ. მიღწევები და ნაკლოვანებები, განსაკუთრებით კი ხაზი ვაესმება იმ მდგომარეობას, რომ კ. კ. ქვედა ორგანიზაციები (და ზოგჯერ კომიტეტებიც) არ ხელმძღვანელობენ პიონერთა ორგანიზაციებს. ასე, როგორც საჭიროა. ასევე და მეტიც უნდა ითქვას პარტიულ და საზოგადოებრივ ორგანიზაციებზე, რომელთა მზრუნველობა პიონერთა ორგანიზაციებზე, მათი მოთხოვნილების ზრდის პერიოდში, მეტად სუსტია.

ჩვენ დარწმუნებული ვართ, რომ ზემოაღნიშნულ საქმიანობას გაითვალისწინებენ პ. ო. მუშაობაში დაინტერესებული ორგანიზაციები და მიიღებენ თათბირის მუშაობაში აქტიურ მონაწილეობას, პიონერ-მომუშავეებმა კი ეხლავე უნდა მოამზადონ თავისი აზრი და გამოცდილება ყველა საკითხზე, ფაქტიურ მდგომარეობასთან შეფარდებით.

გარდა ამისა, ყველა მაზრამ უნდა მოახერხოს ქვედა მომუშავეების გამოგზავნა თათბირზე, რითაც თათბირი კიდევ უფრო საქმიანად დასრულდება და გაშლის მუშაობას ბოლშევიკური თვითკრიტიკის ნიშნის ქვეშ.

ა. კ. მახათაძე

იმ თაობას, რომლის წარმომადგენლები ამჟამად დაახლოვებით 50 წლის არიან, არა აქვს საფუძველი იმედი ჰქონდეს, რომ მოესწრება კომუნისტურ საზოგადოებას, ხოლო ის თაობა, რომელიც ახლა 15 წლის არის, იხილავს კიდევ კომუნისტურ საზოგადოებას და თვითონვე იმუშავებს ამ საზოგადოების აშენებისათვის. (დენინი)



მანუაჟიკური საპროკოლონი

[მოგონება]

1918 წლის მარტში, იმპერიალისტური ომის ფრონტიდან დაბრუნებული, მოსკოვში ჩავედი. ვინახულე კრემლში ამხ. სტალინი და გავიგე ამიერ-კავკასიის გამოყოფის და კომისარიატის დაარსების ამბავი. ამ უღლეურ კომისარიატს თავისი ფულის ნიშნებიც გამოეშვა. „ზედ ქათმები ხატია“ — ოხუნჯობდა ამხ. კობა.

აქვე პირველად და უკანასკნელად ჩემს სიცოცხლეში ვნახე დიდი ლენინი. ეს სწორედ იმ დღეს იყო, როცა გაზეთ „რუსკოე სლოვო“-ში ეწერა, ლენინი მძიმედ გახდა ავად ფელტვების ანთებით. ოქტომბრის რევოლუციის მეხუთე თვეზე ბურჟუაზიული გაზეთები კიდევ თავისუფლად გამოდიოდა მოსკოვში და წამლავდა ჰაერს ბოროტი ცილისწამებით. რკინის გზაზე წესიერი მიმოსვლა შეწყვეტილი იყო და საჭირო გახდა სპეციალური მატარებლის დანიშვნა გამოსამგზავრებლად. ამ მატარებლით გამოემგზავრენ ლენინგრადის და მოსკოვის ქართველი მოსწავლენი, ექიმები და სხვები. მათ შორის იყვნენ ამხ. არჩილ მიქაძე, ამხ. შ. ლეჟავა და სხვები.

ამავე მატარებლით გამოემგზავრე მეც ამხ. აბელ ენუქიძის და ამხ. სტალინის მანდატით და სადირექტივო წერილით ამხანაგებთან... თუ არა ეს მანდატი, ძნელი იქნებოდა უხიფათო მგზავრობა, ვინაიდან გზებზე დიდ რეპრესიებს ქონდა ადგილი. ეს ის დრო იყო, როცა ადგილებზე საკუთარი რეკომენდები (რევოლუციონური კომიტეტები) განაგებდნენ საქმეებს თავისი შეხედულებით, როცა ფრონტიდან მოხსნილი ჯარისკაცები შინ მიიჩქაროდნენ, ცენტრიდან კი ახლად შექმნილი წითელი გვარდიის ნაწილები ახალი სამოქალაქო ფრონტებისაკენ მიიწევდნენ, როცა მატარებლების შედგენას და გაშვებას რკინის გზის მოხელეებს არ აცლიდნენ და სხვა.

ჩავედიტ როსტოვში. აქ ვინახულე ამხ. სერგო ორჯონიკიძე, რომელსაც 1905 წლის შემდეგ არ შევხვედროდი... კონტრ-რევოლუციონერი გენერალი კალედინი როსტოვის ახლო იდგა და მასთან როსტოვის ქალაქის თვითმართველობა, მენშევიკ-ესერებისაგან შემდგარი, მოლაპარაკებას აწარმოებდა.

როსტოვიდან ტუაშეში და იქიდან კი ზღვით სოხუმში ჩავედიტ. აქ უკვე საბჭოთა ხელისუფლება იყო, ელოდნენ მენშევიკური მთავრობის თავდასხმას და ემზადებოდნენ დასახვედრად. აპრილის უკანასკნელ რიცხვებში უკვე ქუთაისში ვიყავი.

ესეც მენშევიკების ნაქები „ოაზისი“ — საქართველოს დამოუკიდებელი დემოკრატიული რესპუბლიკა! დამოუკიდებელი მხოლოდ ოქტომბრის რევოლუციისაგან, რუსეთის პროლეტარიატისაგან, და ფრიად დამოკიდებული დასავლეთ ევროპის იმპერიალისტებისაგან! „ევროპის იმპერიალისტები ძირჩევიან აღმოსავლეთის ფანატისკებს“ (იგულისხმებენ ბოლშევიკები), ამბობდა მათი ბელადი ნოე ჟორდანიანი. მეგობრული მოლაპარაკება რუსეთის კონტრ-რევოლუციასთან გენერალი ალექსეევის სახით: „ჩვენ და თქვენ ერთ წერტილში ვცემთ — ეს არიან ბოლშევიკები“ — ურცხვად ეუბნებოდა გარეშე საქმეთა მინისტრი მენშევიკი ვვგენი გეგეჰკორი გენერალ ალექსეევის...

გლეხების აჯანყება სამეგრელოში, ლიხხუმში, შემდეგ ღუშეთის მანრაში, გურიაში და სხვაგან, კანონის გარეშე გამოცხადება გლეხების, სამხედრო-საველე სასამარ-



ამხ. ბ. ბიბინეიშვილი

თლოების ამოქმედება — აი მათი დემოკრატიზმი. დევნა აქარლების, აფხაზების, ოსების, ომი ადერბეიჯანთან, სომხეთთან — აი, ნაციონალური საკითხის გადაწყვეტა მენშევიკურად. მთელი ციხეები საქართველოში ბოლშევიკებით იყო გავსებული. ხშირი იყო სიმშობის გამოცხადება ტუსალების მიერ. თუ რა პირობები იყო იმ დროს მენშევიკების ციხეებში, მეტი არ იქნება მოგითხროთ, რაც პირადად ვადაძვდა თავს.

1919 წლის მარტის პირველი რიცხვებია. ავლაბარში, კახეთის მოედანზე, ერთ სახლში დანიშნულია პარტიული კრება. დანიშნულ საათზე შევდივარ ოთახში და ვხედავ 3-4 ამხანაგს, მათთან ერთად კი განსაკუთრებული რაზმის უფროსს კედიას თავისი დამქაშებ თ. მინდა უკან გამოვბრუნდე, მაგრამ უკვე გვიანაა. თავაზიანად მესალმება ბ-ნი კედია... ამხანაგები თანდათან შემოდიან. მათ გამოცხადებას საზღვარი არა აქვს — კედია ყველას ესალმება. უკვე მოვგროვდით 12-13 ამხანაგი. ეტყობა, მეტი არც უნდა მოვიდეს. აქ იყვნენ შემდეგი ამხანაგები: საშა შახსუვარიანი, (დაშნაკების მიერ შემდეგ სომხეთში მოკლული), ალიხანოვი, რკ. გზ. მუშა ციმაკურიძე და სხვები.

წავიყვანეს და განსაკუთრებული რაზმის შენობაში ჩავგაბარეს ფაჩულიას, რომელმაც განსაკუთრებით მე დამიწყო თვალთვლება.

— ვერ მიცანით, ბ-ნო ფაჩულია? — შევეკითხე მე. განა დაგავიწყდათ 1908 წელი, როცა ქუთაისში ბოქაშულად იყავით? მაშინაც ხომ თქვენ დამატუსაღეთ!...

ეტყობოდა, ეს გახსენება არაფრად ეამა...


უკვე ღამის ორი საათი იყო, როცა საგუბერნიო ციხეში მიგვიყვანეს. რადგან მეტად გვიანი იყო, დილა-მდე ციხის კანტორაში დავრჩით.

დილით ციხის ადმინისტრაციამ ჩვეულებრივი პროცედურა ჩაატარა და გავგისტუმრა, მხოლოდ ციხის ზედამხედველების მაგიერ გარს შემოგვერტყა რამდენიმე ტუსალი. გავვიძღვენ კამერაში...

„ჩანს, აქ ტუსალებს თვითმართველობა ქონიათ, ეს კარგია“ — ეუბნები ამხანაგს. მაკვირვებს მხოლოდ ის, რომ კანტორაში არ ჩამოურთმევიათ არავისთვის ფული და ძვირფასი ნივთები, თუ ვისმე ჰქონდა.

ავგიყვანეს ციხის ზემო სართულში და გავვაჩერეს ღრეფანში. თან განკარგულება ვასცეს — კამერა დაეგავათ.

კამერაში აუარებელი ნავაგია, არც ერთი ტახტი, სკამი. ვუყურებ და მიკვირს, ნუთუ აქ უნდა მოგვათავსონ. ჩემი ყურადღება მიიქცია კიდევ იმ გარემოებამ, რომ ციხის ზედამხედველები არსად ჩანდნენ, თვალის



მხ. ფ. მახარაძე

იყვარა: „По местам“. ყველანი თავიანთ კამერებში გაილაღენ... ჩვენც მოგვცა წინადადება ჩვენს კამერაში შევსულიყავით. შევედით თუ არა ცარიელ ამტვერებულ კამერაში, გარედან კარები გამოგვიკეტეს. გაცეცხლდნენ ერთმანეთს შეცქეროდით. სახეზე ყველას კითხვითი ნიშანი გამოსახლდა, კრინტს კი არავინ ძრავდა...

იღება კარები და შემოდის 5-6 ტუსალი. გვეკითხებიან: „კანტორაში გაგხვრიკეს თუ არა“. უარით რომ ვუპასუხებთ, შეუდგენ ჩხრეკას. ამოგვადებინეს, ვი აც რა გააჩნდა: ფუფი, საათი, ბეჭდები და სხვა. ყველაფერს იბარებდა ერთი მათგანი, მხოლოდ ფულს არ სთვლიდა. ნივთებს არ ათვალთვრებდა, არ სწვრდა, ვის რას ართმევდა.

ამას რომ მორჩენ, უბრძანეს ერთ ამხანაგს გაეხადა ტუყურკა, მეორეს ჩექმები, მესამეს პალტო, ტანსაცმელი, ერთი სიტყვით, მოუყარეს თავი; რაც მოეწონათ, მოუსვენს ხელი და გაუდგენ გზას, თან კარები გაიკეტეს. ეხლა ყველა მიხვდა, თუ რაში იყო საქმე, მხოლოდ, თითქო ენა წაერთვათ, ხმას კიდევ არავინ იღებდა...

5-10 წუთის შემდეგ იღება კარები, შემოდის სამი, ჩვენს გაწმენდაში „მონაწილე“, მათ მოუძღვის ერთი კობტად გამოწყობილი, ბრილიანტის ბეჭდიანი, ოქროს ძეწკვებით, გაპარსული ქერა ახალგაზრდა და გვეცნობა: შეესერი (სოციალისტ-რევოლიუციონერი) ხინტკირია ვარ, კერენსკის დროს დიდი თანამდებობის მქონე, ეხლა კი ტუსალი. თან მღელვარებით მოგვმართა: „გავიგე, რომ კომუნისტები ყოფილხართ. მე, თვით იდეურს, მიყვარს იდეური ხალხი, თავიანთ ვცემ მათ და მზად ვარ მათ სამსახურად. მე ვარ აქაური მამასახლისი და თუ ვინმემ გაწყენინოს, მე მომმართეთ. ერთმა ამხანაგმა ამ წუთში რაღაცები მიფეშკავა და, სხვათა შორის, აი, ეს ბეჭედი, მხოლოდ არა მგონია, თქვენი იყოს“.

ერთი ჩვენი ამხანაგთაგანი წინ წარდგა და გულუბრყვილოდ განაცხადა: „ეს ჩემი ბეჭედი და აი ამ ტუსალიც წამადრო ხელიდან“. და ამასთანავე მან მიუთითა

მოგვარი მხოლოდ ერთს, შეშინებულ დამურასავით კუთხეში მიკუნტულიყო... ტუსალები კი ერთმანეთში ირეოდენ, ხმაურობდენ...

ამ დროს ტუსალებმა ერთმანეთში ჩხუბი ატეხეს. ერთმა მათგანმა წამოიწია წინ, იძრო რევოლვერი და და-

ერთ-ერთ პატიმარზე. ხინტკირია ამხანაგს ბეჭედს უბრუნებს, ამხანაგს კი ხელდადებული ტუსალი ანიშნებს მას დერეფანში გაჰყვებს, და ისიც მაჰყვება. გავიდენ თუ არა, მოგვესმა ცემის ხმა, და ჩვენი ამხანაგი თავპირდასისხლიანებული კამერაში შემოუარდა, ხინტკირია მხლებლებით კი მაშინვე კამერიდან გავიდა...

ყველაფერი უკვე აშკარა იყო, და ჩვენც შევეუდექით ბჭობას, თუ როგორ მოვქცეულიყავით. ჩემი წინადადება იყო დაგვებარებია ციხის უფროსი და ყველაფერი გვეთქვა. არც ერთი ამხანაგი ამის მომხრე არ აღმოჩნდა: ეშინოდათ, რომ ვაგამხილოთ, ყველას ყელებს დაგვჭრიან და ჩვენი მშველელი არავინ იქნებაო. თანაც შევიტყუეთ, რომ ასეთი ამბები იქ დიდი ხანია ხდებოდა. ციხის აღმინისტრაციამ ყველაფერი ეს იცოდა, მაგრამ ან ტრორის ქვეშ იყო, ან (ეს უფრო ახლოა კუუსსთან) თვითონ ედვა წილი ძარცვა-გლეჯაში.

ციხეში ხმა დადიოდა, ვილაც ტუსალი „სულიან-ხორციანად“ გაფცქენესო, შემდეგ ოქროს კბილები და აძრესო.

ამასთან ერთად ციხეში ღამ-ღამობით ქეიფობდენ და საშინელ გარყენილებას ჰქონდა ადგილი... ღამის ყველას გვეშინოდა, არავინ იცოდა, გათენებამდე რა მოგვივიდოდა. გადავწყვიტეთ დავნაწილებულიყავით და 2-3 ამხანაგი გადავსულიყავით კატორღელთა კამერებში. ეს ჩვენ შევასრულეთ ზედამხედველის დახმარებით.

დაღამდა თუ არა, ჩვენს კამერაში შემოდის ერთი ტუსალი და წინადადებას მადლვეს მის კამერაში გავყვი. მი დიდხანს უარზე ვიდექი, მაგრამ რაკი არ მომეშვა, რა უნდა მექნა, გავყვი. დამიწყეს გამოკითხვა, თუ ვინ ვიყავი, რას ვაკეთებდი და რისთვის დამატუსაღეს. მოკლედ ვუპასუხე ყველაფერზე. მაშინ მომიბრუნდა ერთი ტუსალი და მეუბნება:

— ყველაფერი, რასაც თქვენ ამბობთ, ტყულია. ჩვენ ნამდვილი


ცნობები გვაქვს, რომ თქვენ მენშევიკების კომისარი ყოფილხართ, ხალხი გრწკლებიათ... ამისათვის ჩვენ გადავწყვიტეთ პასუხი მოგთხოვოთ. თუ გინდათ ცოცხალი გახედეთ ციხიდან, ტუსალების სასარგებლოდ ათასი მანეთი უნდა გადაიხადოთ...

ვეუბნები: რაც რამ გამაჩნდა, დილას წაიღეს, ეს ერთი ტანსაცმელი დამრჩა და ამასაც ხომ არ გამხდით მეთქი...

რატომ არა! ტანისამოსი უნდა დაგვიგირავო, სამაგიეროდ რამე უარაჯას გიშო-



მხ. მ. ცხაკაია



მხ. ს. ორჯონიკიძე

ვით და როცა გარედან ფულს დაიბარებთ და გადმო- გვცემთ — დაგიბრუნებთო.

ვცადე შემერცხვინა ისინი, მაგრამ სინდის და ნა- მუსგარეუხილ, გაპირუტყვებულ ადამიანებზე განა ეს იმოქმედებდა? მხოლოდ ეს შეეძლო, რომ მეორე დღე- მდე გადავადებინე საქმის სისრულეში მოყვანა...

გათენდა თუ არა, შევუდექით იმაზე ზრუნვას, თუ რა უნდა გვეღონა, რომ თავიდან აგვეცილებია ასეთი სა- შინელება. გავიგეთ, რომ ქვედა სართულში მოთავსებუ- ლი იყვნენ დუშეთის აჯანყების დროს დატუსაღებული გლეხები. გადავწყვიტეთ მათთან დაბინავება და განზრ- ახვა შევასრულეთ კიდევ.

ამის შემდეგ შიში აღარავისი გვექონდა. ერთი რკი- ნის კრაოტი დავარღვიეთ და მარჯვე ბიჭები რკინის ჯოხებით შევაიარაღეთ, კარები კარგად დაგამაგრეთ და, როგორც იქნა, „მოვისვენეთ“.

ტუსაღების მტრობას ჩვენდამი საზღვარი არ ჰქონ- და, საქმე იქამდე მივიდა, რომ ერთხელ დღასით, როცა ყველა თავმოყრილი ვიყავით მეზობელ კამერაში, კატორ- ლელებთან, — ერთმა მათგანმა სიტყვის შებრუნებისა- თვის, რაც ძალი და ღონე ჰქონდა, სილა გამარტყა, თან დანაზე ხელი წაივლო... კამერაში 15-20 კაცი იყო, და ხმის ამოღება ვერავინ გაბედა. ჩემი მოთმინების ფიალა აივსო და ერთხელ კიდევ გავიწიე ციხის კანტო- რი საკენ.

ჩემმა ამხანაგებმა ღონე ჩემზე გამოიჩინეს და არც ეხლა მომცეს ადმი- ნისტრაციისთვის შეტყობინების ნება.

მეტი აღარა დამრჩენოდა რა და მაშინვე შევუდექი ვრცელი წე- რილის წერას შინაგან საქმეთა მინი- სტრის ნ. რამიშვილის სახელზე. ავწერე დაწვრილებით, თუ რა წესები იყო გამეფებული მათ ციხეში. არ დავრიდებოვარ „მის აღმატებულებას“ და წერილს ასე ვათავებდი:

„იმ დროს, როცა ერთი კვირის კრიზის საქართველოს დამფუძნებელი



ამხ. მ. კახიანი



ამხ. შ. ელიავა

შემდეგ უნდა შეი- კრება, სადაც ცხრა მეთათედი ჩემი ყო- ფილი ამხანაგები, სოციალ - დემო- კრატები, იქნები- ან, რომელთა დიდ უმრავლესობას მე პირადად ვიცნობ ერთად მუშაობის დროს და რომ- ლებიც დამფუძნე- ბელი კრების გა- ხსნას დემოკრა- ტიული თავის- უფლების დეკლარაციით აღნი- შნავენ, ამ დროს აქვე, საქართვე- ლოს სატახტო ქა-

ლაქის საგუბე- რნიო ციხეში, პოლიტიკურე- ბი ისეთ პირო- ბებში არიან, რომლის მსვა- ვისი არ ახსოვს თვით საშინელ თვითმპყრობე- ლობის ხანას. არ ვიცი, ჩვენ, კომუნისტებს, ისეთი რა და- ნაშაული მი- გვიძღვის, რომ

ასეთი უმაგა- ლითო შეურაცხყოფა და დამცირება ავიტანოთ... თუ ჩვენი ფიზიკური არსებობაც დანაშაულია დემოკრატიულ რესპუბლიკაში, ამ შემთხვევაში ჩვენთვის უმჯობისი იქნე- ბოდა სიკვდილით დასჯა, ვიდრე ასე- თი დაჯიჯივების ატანა“.

ეს წერილი მეორე დღესვე გა- ვუგზავნე ამხ. ჯავაირას, რომელმაც დანიშნულებისამებრ გაუგზავნა ნ. რა- მიშვილს კერენსკის დროინდელი სენატორი რუსი ს.-დ. ნიკ. სოკო- ლოვის ხელით.

გამოდის, რომ მენშევიკების დროს მათი ხელისუფლება ციხეზე- დაც ვერ ვრცელდებოდა, იქ ბანდი- ტები თარეშობდნენ, გარეთ კი პო- ლიტკას ინგლისელები ხელმძღვანე- ლობდნენ, ფაბრიკა-ქარხნები კაპიტა- ლისტების, მიწა—მემამულეების და კულაკების, სახლები კი კერძო სახ-

ლის პატრონების ხელში იყო... მუშები და მშრომელი გლეხები ათასნაირ ფორმებზე ყოფნით შიმშილ-წყურვილს განიცდიდნენ და გმინავდნენ... ატმოსფერა მოწამლული იყო შოვინისტური ღვარძლით... რა თქმა უნდა, ასეთი მდგომარეობა დიდხანს ვერ გაგრძელდებოდა და, აი, 1921 წლის 25 თებერვალს საქართველოშიც მოვიდა დი- ადი ოქტობერი, რომელსაც ოთხი წელი დაავიანდა... მუსავატელებსა და დაშნაკელებს მიჰყვენ მენშევიკე- ბი, ა/კავკასია კონტრ-რევოლიუციონერებისაგან სავე- ბით გაიწმინდა.

ევროპის იმპერიალისტების გემებმა ევროპისაკენ გააქანეს ფეოდალურ-ბურჟუაზიული საქართველოს უკა- ნასკენელი ნათშები.

იბადებოდა ახალი საქართველო, საქართველო მშრომელი ხალხისა, გლეხების და მუშებისა. განდევნილი მენშევიკების მაგივრად ჩვენს ქვეყანას სათავეში ჩაუდგენ რევკომები (რევოლიუციონური კომიტეტები), წინამორ- ბედნი საბჭოებისა...

ბ. ბიბინიშვილი

მუშურ-გლეხური წითელი არმია


(1918 23/II 1929)

თერთმეტი წელი შესრულდა, რაც წითელი არმია არსებობს. 11 წლის წინად ჩაეყარა მას საფუძველი. საბჭოთა კავშირის მუშებმა და ღარიბმა გლეხებმა შესძლეს თავისი საკუთარი ძალებით გამკლავებოდნენ ბურჟუაზიის, მემამულეების და მეფის დამკავშირების გააფთრებულ შემოტევას.

23 თებერვალს სრულდება წითელი არმიის არსებობის 11 წლის თავი, და ყველა ჩვენგანი მოვალეა იცოდეს წითელი არმიის ისტორია.

წითელი არმიის დაარსება.

თებერვლის რევოლუციის დროს ხელისუფლების სათავეში ისევ ბურჟუაზია (კერენსკის მეთაურობით) მოექცა. ამავე დროს მუშებმა მთელ რიგ ქალაქებში: პეტროგრადში (ეხლანდელი ლენინგრადი), მოსკოვში, ხარ-



ამხ. კ. ვოროშილოვი — სამხედრო-რევოლუციონური საბჭოს თავმჯდომარე და სამხედრო-საზღვარ სახალხო კომისარი.

კოვში, ტულაში, ოდესაში და სხვაგან — შექმნეს თავისი მუშური რაზმები, რომელსაც წითელ გვარდიას უწოდებდნენ. თებერვლის რევოლუციით მოტყუებული მუშები კლასური ბრძოლებისათვის ხელახლად ემზადებოდნენ. 25 ოქტომბერს (ძვ. სტ.) ლენინის პარტიის ხელმძღვანელობით პეტროგრადში აჯანყება დაიწყო. წითელი გვარდიის გააფთრებული ბრძოლით პეტროგრადის მუშათა, გლეხთა და ჯარისკაცთა საბჭომ ჩაიგდო ხელში ძალა-უფლება. ამ ისტორიულ მოვლენას ვერ შეურიგდენ მუშათა კლასის მტრები და იწყეს ოქტომბრის რევოლუციის წინააღმდეგ ბრძოლა. ბრძოლა ძალზე გამწვავდა, რუსეთის ბურჟუაზიის სხვა ქვეყნების ბურჟუები და მემამულენიც

მიეხმარენ, და საჭირო შეიქნა ძლიერი შეიარაღებული ძალის შექმნა.

1918 წლის 23 თებერვალს გამოქვეყნდა საბჭოთა ხელისუფლებას უმაღლესი ორგანოს — სახკომსაბჭოს — ისტორიული დეკრეტი **წითელი არმიის** შექმნის შესახებ. აქედან იწყება წითელი არმიის ჩამოყალიბება და ის დიდი ბრძოლები, რომელიც წითელმა არმიამ გამარჯვებით გადაიტიანა.

წითელი არმია კომუნისტური პარტიის ხელმძღვანელობით მუშათა კლასის მტრებს ამარცხებს.

ლენინის პარტიის მტკიცე ხელმძღვანელობით წითელი არმია კონტრრევოლუციის წინააღმდეგ მედგარ ბრძოლას აწარმოებს და ამარცხებს შავრაზმელ გერენლებს (დენიკინს, კოლჩაკს, ვრანგელს და სხვ.). სამი წლის განმავლობაში წარმოებდა რუსეთში სამოქალაქო ომი; წითელი არმია ღირსეულად, გმირულად იბრძოდა და სასტიკად ამარცხებდა მუშათა კლასის მოწინააღმდეგეებს. ბევრი მუშა და გლეხი დაეცა ბრძოლის ველზე, მაგრამ საბჭოთა ხელისუფლებამ წითელი არმიის საშუალებით ბრწყინვალედ გაიმარჯვა, და მუშათა კლასმა ხელი მიჰყო სოციალისტურ აღმშენებლობას.

წითელმა არმიამ გაათავისუფლა საქართველოს მშრომელებიც. საქართველოს მუშები და გლეხები დიდ ტანჯვას განიცდიდნენ მენშევიკების ბატონობის დროს. საქართველოს მშრომელნი აჯანყებებს აწყობდნენ მენშევიკური ტირანიის წინააღმდეგ, მაგრამ მენშევიკები მათ ცეცხლითა და მახვილით უმასპინძლებოდნენ. მენშევიკებმა გადაწყვეს ბევრი სოფელი, უამრავი მშრომელი დახვრიტეს და გადაასახლეს. საქართველოს მშრომელთა მოთმინების ფილა აივსო და 1921 წლის თებერვალში წითელი არმიის დახმარებით მათ თავი გაითავისუფლეს მუშებისა და მშრომელი გლეხების მტანჯველი მენშევიკების ბატონობისაგან.


გავაძლიეროთ წითელი არმია

წითელი არმია მუშათა კლასის და საბჭოთა ხელისუფლების სახელოვანი გუზაგია. ის საბჭოთა კავშირის მუშებსა და ღარიბ გლეხებს იცავს გარეშე და შინაური მტრების თავდასხმისაგან, ამასთანავე აწარმოებს კულტურულ მუშაობას მშრომელთა ცხოვრების გასაუმჯობესებლად. ჩვენ ჯერ კიდევ ბევრი მტერი გვყავს. ამიტომ ჩვენ უნდა გავაძლიეროთ წითელი არმია, გავაცნოთ მშრომელ ხალხს მისი მნაშენელობა, შევამჭიდროოთ რიგები და მტკიცედ ვიდგეთ ოქტომბრის რევოლუციის სადარჯოზე.

გაუმარჯოს საბჭოთა კავშირის მუშებისა და გლეხების პირმშოს — წითელ არმიას!..

გაუმარჯოს ძღვევამოსილი წითელი არმიის 11 წლის თავს!..

ჩვენ არ უნდა დავკმაყოფილდეთ იმ ზიანით, რომელიც უკვე მივაყენეთ იმპერიალიზმს, უნდა გავაძლიეროთ წითელი არმიის ბრძოლის უნარიანობა, და ის ყოველთვის მზად უნდა იყოს საომრად.



ა.

იქნა იქნა კიდევ პატარა იყო, როცა ის მამამ, ასახი ნიმურამ, თან წაიყვანა აბრეშუმის საფეიქრო ქარხანაში, სადაც ის მუშად იყო, და შეაჩვია ხელობას.

ის მალე კარგ შეგირდად ითვლებოდა უკვე. ჭკვიანი, დაკვირვებული იქნა საქმისადმი მუყაითობით ყველა მის ტოლ ბიჭს სჯობდა; ქარხნის პატრონის ყურადღებასაც იქცევდა, მაგრამ გამგეს, იოსარა მაკერუტოს, რატომღაც ათვალწუნებული ჰყავდა და ხშირად მძივე სამუშაოს ასრულებინებდა.

— ცოდოა ბავში, ბატონო მაკერუტო, ნუ დასჩაგრავ. — უთხრა იქნის მამამ გაუბედავად და, შეეხვეწა აღარ ეწვალეზია, მაგრამ გამგემ უყვირა:

— შენ ცოტა ფრთხილად, თორემ შენზე მაინც ცნობებია, რომ კომუნისტობსო, და... გაჩვენებ სერის!..

ასახი ნიმურა სიბრაზით აენტო, მაგრამ გულში ჩაიკლა ჯავრი და აღარათფერი უთხრა.

— რაზე გადაგეკიდა, შევილო, გამგე? — ჰკითხა მამამ, როცა შაბაშის შემდეგ შინ ბრუნდებოდნენ.

— არ ვიცი, მამა, შენ რომ წიაელი ყელსახვევი გმიკეთე, ისიც მომხსნა წელან და დახია... მე მგონია იმაზე, თუ...

— რაზე?..

— რაზე და, ვინ რას ლაპარაკობს მუშებში, მოდი და მითხარი ხოლმეო; ამისთვის ფულსაც გაჩუქებო; მე კი...

— რა?!

— უარი ვუთხარი: ეგ ხომ დაბეზლება იქნება მეთქი; აკი შენ გამაფრთხილე, და მაშინ გამახსენდა...

— ჰმ!.. ჯამუშად უნდოდი?!

— აღბათ, მამილო!..

ასახი ნიმურა რევოლუციონერად ზრდიდა იქნის...

ბ.

ქალაქ კიოტოს განაპირას შუბლმოდულშული გამოიყურება აბრეშუმის ქარხანა, რომლის საკვამლე მილი ისე აზიდულა მაღლა, რომ გეგონებათ ვინმე მოხუცი ზის, ზღაპარს უამბობს ბავშვებს და ჩიბუნს აბოლებსო.

აი, გაისმა საყვირი და შეჩერდა მანქანათა ქმენა... მიღებით ბოლი შავი ნაფაზის დარტყმით გუნდგუნდად აღარ აღის და ლეგა ეთერში აღარ მიიკლავნება გველივით...

— ხელფასის მომატება, ადამიანური მოპყრობა და ქარხნის გამგის იოსარა მაკერუტოს გამოცვლა.

აი რა მოითხოვეს მუშებმა და, როცა შექარხნემ უარი უთხრა, გაიფიცენ.

— ვინ არიან მეთაურები? — იკითხა პოლიციის უფროსმა, როცა ქარხანას ალყა შემოარტყა და კანტორაში შევიდა.

— არიან, მაგრამ ისე საიდუმლოდ ინახავენ, რომ ვერ გავიგე... ეჭვი კი მაქვს სამზე... — მიუყო ლიმილით მაკერუტომ და სიგარა გაუწოდა.

— გმადლობთ, ბატონო მაკერუტო... მაინც?

— ასახი ნიმურა, ივარო მაკატა და ბანაკიოა ტოკუ; ამ სამს რალაც თავხედურად უჭირავს ხოლმე მუდამ თავი...

— ჰმ... ეგ კარგი, მაგრამ... იქნებიან, აღბათ, კიდევ... ეხლა ამ მუშებში ისეთი საშინელი სენი ვრცელდება კომუნისტების სახით, რომ საჭიროა ძირშივე აღმოფხვრა; იაპონიის ამოპავალი მზის ქვეყანაში ეს დაუშვებელია; მუშებში უნდა იყოლიოთ თქვენი აგენტები, რომ ამბები მოგიტანონ, რომელთაც ჩვენ შეგვატყობინებთ ხოლმე... მაგ საშის კვალს კი ისე დავკარგავთ, რომ იყო და არა იქნება-რა; მაგრამ მიგვითითეთ ერთ რომელიმე სუსტზე, რომლის გამოტყვებითაც სხვებს აღმოვაჩენთ...

— მგონია, ბარონ იოშუვა, ერთი რომელიმე ბავში გამოვადგებათ მაგ საქმისთვის... არ შეიძლება მათ არ იცოდნენ, ვინ აღვლევებს აქაურობას; ისინი კრების დროს ხშირად ბავშვებს აღარაჯებენ ხოლმე, რომ ეჭვი არავინ აიღოს; თუ რაიმე საფრთხე შენიშნა, ბავში კრებას ატყობინებს.

— იქნებ დასახელოთ რომელიმე?..

— აი, თუნდაც ასახი ნიმურას შვილი, იეში, ისიც მამასთან ერთად მუშაობს...

— შემოიყვანეთ!.. — გასძახა პოლიციის უფროსმა.

8.

— არაფერი ვიცი!.. — ამ სიტყვების მეტი იეშისაგან ვერა გაიგეს, რა, მიუხედავად იმისა, რომ ლოყები ეწოდა პოლიციის უფროსის სიღებისაგან.

— გაიყვანეთ ეხლავე და ორმოში თავდაყირა ჩაჰკიდეთ!.. — უბრძანა ბარონ იოშავამ ხელქვეითებს იეშის შესაშინებლად, მაგრამ პატარა ბიჭი გაქვავდა, ხმა არ ამოიღო, ფერიც კი არ ეცვალა.

— შენი ფეხი აღარ გადმოსცილდეს ქარხნის ალაყაფის კარს!.. — უყვირა გამგემ და გარეთ გამოაგდო.

ასე დადიოდა იეში უმუშევრად ქალაქის ქუჩებში მშვიერი, დაგლეჯილი ტანსაცმელით რამდენსამეკვირას, და მისი პატარა გული შურისძიებით ივსებოდა.

— შვილო, იეში, გაიზარდე კარგი და პატიოსანი ბიჭი, თავდადებული რევოლუციონერი და არ დაგავიწყდეს შურისძიება.

ეხლაც ახსოვს იეშის ეს სიტყვები, რომელიც მამამ გადაუჩურჩულა, როცა ის პოლიციელებმა წაიყვანეს, სახეზე ქუდი ააფარეს, როგორც სახელმწიფოსთვის საშიშ პიროვნებას.

ეს იყო გაფიცვის დღეს, და მას შემდეგ მამის ამბავი აღარ გაუგია...

ის ბევრს ეცადა სადმე ჩამდგარიყო სამუშაოდ და ეცხოვრებინა ავადმყოფი დედა, და, პატარა დაიკო იუ-იუ, მაგრამ არსად იღებდენ, როგორც საშიშ ბავშვს და არასაიმედო მამის შვილს...

ის, რა დილით ამომავალი მზე ამოგორდებოდა ზღვის უბიდან და გადმოადგებოდა პატარა გორაკს, სადაც საპყრობილე იყო, მიიბრუნდა იქ და შორიდან ათვალიერებდა, იქნება მამას მოვკრა თვალიო, მაგრამ ასახი ნიმურას ასავალი არსად ჩანდა...

იეში დაღონებული ჩამოჯდებოდა იქვე მდინარის პირას და გაჰყურებდა ნიპონის ლამაზ ბუნებას: მომცრო გორაკებს, ალაგ-ალაგ ზღვასავით მღელღვარე მინდვრებს, ბამბის და ჩაის პლანტაციებს, ბრინჯის წყლის კვლებში ჩამდგარ ყანებს, აბრეშუმის ქიის თუთის ხეების ხეივნებს და ლიმონის ფორთოხლის, ინდისხურმის და ჩინური თხილის ბაღებს, რომელთა ღობეებსაც ჩამწყრივებული ჰქონდა ოლენანდრები, ფიკუსები, ველინგტონები, პალმები და ნუშის და ალჯანაბადის ხეები.

ეს იყო გრაფ იოშინტო კუროკის პლანტაციები და ტანაკა ოკუს ბაღი, იმ ქარხნის პატრონის, საიდანაც მისი მამა ასახი ნიმურა უგზო-უკვლოდ გააქრეს.

იეშის გული უკვდებოდა, როცა ამ მდიდართა ცხოვრებას, ქონებას უკვირდებოდა, შედარებით კი ლარიბთა აუტანელ ცხოვრებასთან, რომლებიც მათ უბანში ბლომად მოიპოვებოდნენ და ამ მდიდართა ქარხნებში, პლანტაციებზე მუშაობდნენ და ლუკმაპურს ძლივს შოულობდნენ...

ღ.

— რათ უნდა იყოს ასე? ჩვენ რათა ვართ მშვივრები, ნესტიან ოთახებში, როდესაც ტანაკა ოკუ და სხვები ისე კა'გად ცხოვრობენ?! ჩვენ რათ გვღვენიან, გვიჭერენ და იმათ ხელს არ ახლებენ?! არა ერთხელ გაუფიქრია ეს ჰქვიან იეშის.

ის ხანდახან თავს მოუყრიდა ხოლმე თავის ტოლ გოგო-ბიჭებს, მამისეულ წითელ ხელსახოცს შემოახვევდა ბამბუკის პატარა ტოტზე და ასე დადიოდნენ გარეუბანში და თამაშობდნენ, თვითონ კი წინ უძღოდა და ბრძანებებს აძლევდა, თუ როგორ ევლოთ, რისთვისაც მოიხმარდა ხოლმე დუდგულის სტივოს.

— იქ, ნიპონის ზღვის იქით, ჩრდილოეთში, საბჭოთა ქვეყანა ყოფილა თურმე, როგორც მამაჩემი მეტყოდა, სადაც ჩვენი ტოლები ასე დადიან ღროშებით და წითელი ყელსახვევებით... — ეუბნებოდა იეში თავის ამხანაგებს მამისაგან ნათქვამ ამბებს.

და, აი, ეხლა, როდესაც ერთი გემით საშიში დამნაშავეები მიჰყავდათ აღმოსავლეთის კუნძულზე, სადაც იყო დასჯილთა კოლონია, ერთი პატარა ბიჭი იქცევდა ტუსადების ყურადღებას თავისი გაბედული და ჰქვიანი ლაპარაკით.

— შენ რატომ გასახლებენ ნიპონიდან, პატარავ? — ჰკითხა დაბალი ტანის ტუსალმა, ხელობით ქვისმთლელომა, რომელიც იგზავნებოდა კატორღაში შარავზების მკეთებელი მუშების ზედამხედველის მოკვლისთვის.

— რა ვიცი... ტანაკა ოკუს აბრეშუმის ფარდული რათ დაწვიო... — უპასუხა ბიჭმა და გაჩუმდა.

— ჰო და... მართლაც, რათ დაწვი? — შეეკითხა მეორე, მოხუცი ტუსალი, ხელობით მებადური და კონტრაბანდისტობაზე დაქვრილი.

— რათა და, იმიტომ რომ აბრეშუმი მხოლოდ მდიდრებისთვის მზადდება და ჩვენ კი, ღარიბებს, უბრალო ბრინჯიც კი არა გვაქვს საჭმელად; იმიტომ რომ მამაჩემი იქ მუშაობდა, ადამიანური მოპყრობა მოიტხოვდა და მათ კი დაიჭირეს, სადაც უგზო-უკვლოდ გადაკარგეს, ალბათ, მოკლეს; იმიტომ რომ მეც გამომაგდეს, რადგანაც ჯაშუშობა არ დავიწყე, მუშები არ გავიცი; იმიტომ რომ ჩემ ტოლ ბავშვებს ქარხანაში მუშაობით სულს ხდიან, დღე და ღამე აწვალდებენ; იმიტომ რომ დედაჩემი ავადმყოფობაში და შიმშილში მოკვდა, და ჩემი საყვარელი პაწია და-

იყო, იუ-იუ, მათხოვრად გადააქციეს ლუკმაპურისათვის და ეხლაც არ ეიცო სადაა... — ამბობდა ბიჭი და თვალებიდან თითქოს ცეცხლი სცვიოდა...

ღის გახსენებაზე გული ამოუჯდა, ბოღმა ყელში მოაწვა, და ტუსაღებმა შენიშნეს, ქუთუთოებზე როგორ გადმოეკიდა ცრემლი...

მ.

ეს იყო იეში ნომურა...

მან ყველა ტუსაღის გული მოინადირა გაბედული და მართალი თქმით; ის ყველას საყვარელი ბიჭი შეიქნა.

უპატრონო და არასაიმედოდ ცნობილი მოხარდები რომ მიჰყავდათ გამასწორებელ კოლონიაში, მათ იეში აირჩიეს უფროსად.

ის არ უყვარდა მხოლოდ მათ გამცილებელ ყარაულთა უფროსს, ლეიტენანტ იმამურა ნოგის, რომელიც გადაეკიდა იმაზე, რომ იეშიმ არა ერთხელ

შეუბრუნდა სიტყვა, როცა ის მცირეწლოვან დაშავებულს დიდებთან თანაბრად ამუშავებდა გემზე, მძიმე საქმეებზე; იეში რამდენჯერმეც კი დაამწყვდია ცალკე, მაგრამ შეუბოვარი ბიჭის ბუნება ვერ მოხარა...

— დამაცადეთ, გავიზარდო, დადგება თქვენი აღსასრულის დღეც... მე მაინც არ დავდგები კუნძულზე და გამოვიქცევი... მე ვაჩვენებ ტანაკა ოკუს, მაკერუტოს, ბარონ იოშავას სიღების ჭმევისთვის და ამ მხეც იმამურა ნოგის!.. — იმუქრებოდა იეში.

გეში მიპაობდა ზღვის მღელვარე ზვირთებს; შორს რჩებოდა ნიპონის ლამაზი ბუნება და იეშის ფიქრები პატარა დაიკო იუ-იუზე.

ამომავალი მზ ს ქვეყანა, იპონია, ელოდა რევოლუციონური ტაიფუნის ამოვარდნას...

სეზმან ერთაწმინდელი

პიონერის თქვა

გულმზიანი მზნებით
მკერდში ეს დღე გვიყვავის,
დღედარის ქვეშ ვიზრდებით
ჩვენ, ძველის გამრიყავნი.

გულახალბეს ვვანარებს
დღე, ამდგარი ზვირთებად,
რა დარია, გახედეთ,
სივრცე რაგვარ ინთება!..

სხვაგან დღენი მღელვარე
დგანან გულგაბრაზებით,
მზეზე დროშა ეღვარებს
ჩვენი მტკიცე რაზმებით.

მალე წამოვიზრდებით,
სისხლი დავაქვაცდება,
ჩვენც მებრძოლი ვიქნებით,
უდრეკი, გულკაეება.

მოვსპეთ ძალა განგების,
გულს მზეზე ვწლით ყასიდად,
როცა გავგულმაგრდებით,
ვიტყვით სიამაყითა:

„ამ ცხოვრების შეილნი ვართ,
გულჩიორა, მზებური,
ჩვენი გული მშვილდია,
სამტროდ გამზადებული.

გულბატარა პიონერთ
გვწამხარ და გვეყვარებით,
საბჭოთა საქართველოვ,
მზიან თებერვალებით.

25 თებერვალი

საუკუნით ნაჭელი
დავამსხვრიეთ ხუნდები,
საქართველოს დროშები
დღეს წითელი ფერია,

ზეიმობენ, ხარობენ
დღეს მშრომელთა გუნდები,
და ჩვენც ისე ვიმღერით,
როგორც არ გვიმღერია!

უწინ ჩვენი ქვეყანა
სისხლით იყო ნაღები,
ძვლებით იყო მებრძოლთა
მთები მოკენჭილები,

დღეს კი ახალ ცხოვრების
აშუქურდენ ჭალები,
და კომუნას ვაშენებთ
მშრომელ ხალხის შეილები.

მუშა ხალხი ზეიმობს
თავისუფალ მხარეში,
სადაც ყოფნა ახალი
იქედება, შენდება,

იკვამლება ქარხნებით
ქუჩები და შარბი,
ცის თაღები ელვისოს
ვარსკვლავებით შევინდება.

ფრიალებენ დროშები
მეწამული ფერების,
გულს იმიდი გვალაღებს
და რწმენა კი გონებას,

ეფინება სივრცეებს
ჩვენი მძლე სიმღერები,
და იშლება ხალხისი
ყვავილების კონებად...



დღესაც ისევ მოქანცული
 რხევითა და თრთოლვით,
 შარავზაზე, მინდორ-ველად
 ცვივა თეთრი თოვლი.

ზამთარია. ზამთრის დილა
 ჩამომდგარა ბარად
 და გაძარცულ ხეებს თოვლის
 მოსასხამი ფარავს.

თოვლის ფიფქის ციდან ცვენა
 და ღრუბლების ქულა
 აკრთობს მთიდან მოფრენილებს
 ჩიტებს წითელგულას.

ვინ არ იტყვის, რომ მათი ხმა,
 მთას რომ ხედება თრთოლვით,
 ვერასოდეს დაიფაროს
 ყინვითა და თოვლით!..

აგერ გაშლილ მთის ფერდობზე
 მოქანაობს ცივა;
 ჩამორბიან, კისკისებენ
 ვანო, ლეო, გიგა.

თოვლსაც სალამს აგებებენ
 და სიხარულს უღევეს..
 ზამთრის სუსხიც ვერ გაჰყინავს
 მათ პატარა გულებს.

და ან როცა თოვლის მთა-გუნდს
 დაუშვებენ მძიმედ,
 მათი ხმა და მოძახილი
 ვის არ მოჰგერის იმედს.

გ. გაბესკირია

პიონერი ვივი

თოვს, ყინვაა... ღმუის ქარი,
 ეხეთქება ხეებს, სახლებს,
 ვერ გამოდის ვერვინ გარეთ,
 რომ იხილოს ზეცის სახე!

ერთ ბინაზე სწორედ ამ დღეს
 კოლექტივის არის კრება.
 გივი სახლში როგორ დადგეს,
 მეგობრები ელოდება!

თოვს, ყინვაა... ღმუის ქარი.
 გივი მისწვდა კრების ბინას:
 ჰა, დარეკეს კიდეც ზარი,
 გარეთ ისევ ცივა, ყინავს!..

ცა ფიფქებს სცრის მღვრიე ციდან.
 სახლს სახურავს ქარი აგლეჯს,
 პიონერი ერთი ციდა
 დღეს კრებაზე მიდის მარჯვედ.

რა გაყინავს ყმაწვილურ გულს,
 რა შეაკრთობს მტკიცე ძალებს,
 თუნდ ათოვდეს, თუნდ აწვიმდეს,
 შრომას აღარ დაიზარებს.

კალე ბობოხიძე



შესავლის მაგიერ

წუხელ განუწყვეტლივ წვიმდა.

დაქშუოდა ქარი მინდვრებში, ხევში, მთებში, და ამღვრეული მდინარეები ზანტად მიიზღაზნებოდნენ დაბლობში...

ცა შავად ჩამოსტიროდა მთა-კლდეებს, ისლის ქოხებს, და ღამის უდაბურებაში გაისმოდა წისქვილის დანჯერეული ხრიალი.

ხრიალი არღვევდა დაყურსულ სივრცეს და იჩქმალებოდა სიბნელეში...

საღლაკ კიდევ ტყიდან გამოხტებოდა აბუძგული ნადირი და ნაგაზები გაეკიდებოდნენ თვალემაბრიალებული...

ზოგჯერ დაგვიანებული მეურმეები გაივლიდნენ ურმების კრიალით და სოფლის ბოლოს საბაიას ღუქნის წინ შეჩერდებოდნენ.

დაანთებდნენ ცეცხლს და დილამდე ეფიცებოდნენ ფიჩხების ტკრციალს...

კამეჩებს იქვე დაუჭრიდნენ ჩალას და ისინი ნელა, ზანტად ღეჭავდნენ.

და ამ ბნელ უდაბურებაში ბრწყინავდნენ ცეცხლის ალგები და იქიდან მეურმეების ქარვისფერი უღარდელი სახეები.

ყველაზე უფრო საშინელი იყო ღამე, როცა ჭექლა, ჭუხდა...

თითქოს ცა მთლიანად ჩამოიქცაო... წვიმდა კოკისპირულად, და სულდგმულის ჭაჭანება არ იყო სრულიად...

მხოლოდ გაიგონებდით ჭექას, ჭუხილს და მთის მდინარეების მიღეულ შხუილს...

ასეთი იყო წუხანდელი ღამეც...

და ასეთ ქარ-წვიმიან ღამეში, როდესაც ძაღლიც არ გაიგდებდა კარში, კერიასთან მჯდომი ეპია ეძახდა თიას:

— ბიჭო!

— ბატონო! — პასუხობდა თია.

— ახლომანლო ადგილები მოიარე. გესმის? კვიცი არ არის!

თიას თვალემა აუცრემლდა და სხეულში ცივმა ყრუანტელმა დაუარა.

ასეთ ღამეში სად უნდა წავიდეს საბრალო თია?

მას ეშინია ღამის.

მას ეშინია ღამეში შერხეული ყოველი ბუჩქის!

— ბატონო, მარტო მეშინია! — ამბობდა ძლივძლივობით.

— როგორ გგონია! მე გამოგყობი თუ! — შეუყვია მან.

— ტყუილა გაქმევ პურს?! ტყუილა გაძღვე ფულს?! ისე გინდა იცხოვრო, არა? ხმა, კრინტი არ ამოიღო!

— ბატო... ბატო...

კიდევ უნდოდა ეთქვა რაღაც, მაგრამ ეპიმ მრისხანებით შეწყვირა:

— ჩქარა! წადი.

და მერე ის ხელში მსხვილი ჯოხით, თვალ-აცრემლილი, წვიმიანგან გაწუწული, ფეხშიშველი, მუხლებამდე ტალახში ამოსვრილი მიტლაპუნებდა.

ან კიდევ ხშირად, ძალიან ხშირად შუალამზე ააგდებდა საწყალ თიას ბობოლა ეპი თოლია...

— ადე ჩქარა! ხვალისთვის ფქვილი არ გვაქვს და წისქვილში წადი.

თია გულდამწვარი, ძილგატეხილი, ბუზღუნით ჩააცვამდა ათ ადგილას დაკერილ ხალათს, მხრებზე დაიდებდა ფუთიან ტომარას და მიდიოდა ხევისკენ წისქვილში.

ერთხელ ქარიან ღამით მოუხდა წასვლა და ნამძინარევი თვალემათ ვერ არჩევდა გზას.

დაღმართზე დაუსხლტა ფეხი, ჩამოუვარდა ტომარა, ტომარა გაიხა და სიმიწილი ერთიანად დაცვივდა...

საბრალო თია შუალამეში აგროვებდა დაცვენილ სიმიწიდს ვათოშილი ხელებით.

მერე კიდევ რამდენიმე ნაბიჯი ექნებოდა გადადგმული, რომ ფეხი კვლავ დაუსხლტა. ბედად, ფეხი ბუჩქებში გაეჩხირა.

ტანი ხევისკენ იყო გადაწოლილი და, ბუჩქი რომ არ ყოფილიყო, ხევში გადაეშვებოდა.

დაცემის დროს ხალათი უფრო გაეხა და პირისახე დაეკაწრა.

ასე წვალემათ ცხოვრობდა მოჯამაგირე თია.

თავი პირველი

ირვლივ მთაა.

სოფლელები ხშირად მიდიან მთებში ხეების საჭრელად.

ჩრდილოეთით კიდევ მთებია ათოვლილი, ლილისფერად აბრწყვილებული მწვერვალებით.

მთებს შუა მოქშუის პატარა, მუდამ მარდი, მშფოთარე მდინარე, რომელიც აბრუნებს წისქვილს...

მდინარის ნაპირ-ნაპირ იშლება ქალები, ჩაღის-ფერი ხოდაბუნები, საურმე გზა...

სოფელი პატარაა...

თითქმის ყველგან ისლით დახურული ქოხებია...

ალაგ-ალაგ თუ შეხედებით ყავრით გადახურულს და კიდევ უფრო იშვიათად—კრამიტით.

თავისი სიკობტავით ყველასგან გამოირჩევა ფართოეზოიანი მოსახლე.

ეს გახლავთ ბობოლა გლეხი ეპი თოლია.

ეპიმ მოჯამაგირედ დაიყენა დედით ობოლი, ღარიბი ოჯახის შვილი თია, რომელსაც დღემუდამ ამუშაებდა...

ყოველთვის ნახავდით თიას ამ ფართო ეზოში, ან ეზოს გარეთ.

საბრალო თია ვერ უძლებდა ამდენ ტანჯვას, ჯაფას და მისი სახე თანდათან ფერმკრთალდებოდა..

თვალები ღრმად ჩაცვენოდა...

თმები კისრამდე გაზრდოდა, და ამას ეპი ყურადღებასაც არ აქცევდა...

— მოჯამაგირესათვის რა საჭიროა ჩაცმა და-ხურვა, რა საჭიროა კაი ს ქველი! მოჯამაგირე იმიტომაცა, რომ მემსახუროს! — იტყოდა ეპი ხშირად.

ეხლა წვიმს მოსაწყურა*.*

სოფელს დაჰყურებს ნაცრისფერი ცა და აღმო-სავლეთის ნელი ქარი თუ ქრის.

ცივა ძალზე.

სივრცეში ჩონჩხებივით დგას გაძარცვული ხეები და დროდადრო თუ გადაფრინდება ყორანი ჩხავილით, თორემ ყველაფერი მიყუჩებულია.

ერთიანად გაწუწული, პირისახე სიცივისაგან აწითლებული, აკანკალებული თია ზის ურმის კოფოზე და მიდენის ხარებს...

მას მოაქვს აკაციის მესრები, რომელიც ეპიმ იყიდა მეზობელ სოფელში.

თია ნელა, ხელაცახცახებული გადააწნავს შოლტს ხარებს, და გულის დამაღონებელი ჭრიალით მიდის ურემი.

დაბეჩავებული, გულდათუთქული თია ნელა დალი-ღინებს ურემზე:

„სხვათა მოჯამაგრობას ადვილად იტყვის ენაო! დილიდან საღამომდისინ არა მაქვს მოსვენებაო!“

გზას მიყვებოდა მუდამ წყალდამღვარი ადგილი სოფლის დასასრულამდე...

თია ცდილობდა ურემი ამ ტლაპოში არ ჩაეფლო, და ამიტომაც არტყამდა შოლტს, რამდენადაც შეეძლო.

ახუებული ხარები მაინც განზე მიიწევდენ და ურემი თანდათან იფლებოდა ამ ტლაპოში...

— აქეთ გამოდენე, შე გამოშტერებულო ბიჭო, არ გესმის, აქით თქვა!

ყვიროდა ეპი და თან იმუქრებოდა.

თია თვალაცრემლილი ცდილობდა ლაფიდან ამოყვანას, მაგრამ ამაოდ. მაშინ ეპი მივარდა გან-ჩხლებული...

— ჩამოდი ძირს, შე რეგვენო!

თია ჩამოვიდა.



— ეხლა გინდა ისწავლო ურმის წაყვანა! — დაიღრიალა მან და ორჯერ გააწნა სახეზე.

თია შებარბაცდა, შეტრილდა მაჯვენა ფეხის შიშველ ცერზე, თავი ვერ შეიმაგრა და ტლახში დაეცა, მაგრამ იგრძნო სისოვლე, გამოფხიზლდა და აღვა.

— მე რა ვქნა! ვერ მოვახერხე! — ბუტბუტებდა ის...

ეპი თვითონ დაჯდა კოფოზე...

— წაყვი წინ! — უბრძანა თიას, და ისიც მიდიოდა ხარების წინ ტლაპოში.

თიამ გარკვევით გაიგო მოახლოვებული ურმის ჭრიალი, მაგრამ ყურადღებაც არ მიაქცია.

ეს იმიტომ, რომ სხეული საშინლად უთრთოდა და ნაცემი ადგილი ძალზე ტკიოდა.

და ცოტა ხნის შემდეგ ურემიც დაეწია.

— ხი, ოე! — გარკვევით ისმის მეურმის ხმა.

თია ისევ მიტლახუნებს ტლახში და მას ესმის: — თია, გამარჯობა!

თიამ მოიხედა და მიტუ დაინახა.

თია სრულიად არ მოელოდა მის ნახვას და ეხლა რომ იხილა, ძალზე გაეხარდა...

— ამ საღამოს შენთან ვიქნები, თია! — უთხრა მიტუმ და ღიმილი ჩაათოვა.

თია ჩაფიქრდა.

მან ხომ არ იცის, მე რომ მოჯამაგირედ ვარ! მან ხომ არ იცის, მე რომ ხშირად არ დავდი-ვარ შინ!

ამ საღამოსაც არ გამიშვებს ეპი, მაგრამ არა, ძალით წავალ!

— კარგი, მიტუ! ძალიან გამეხარდება! — უთხრა თიამ.

მერე შეხედა ეპის.

ეპის სახე მოელუშა და დაკუსულ თვალებს რისხვის ცეცხლით ავსებდა...

თიას გააჟრუოლა, თავი უფრო ჩაქინდრა და ისევ ტლაპოში მიდიოდა ფეხაშიშვლებული...

მიტუს ურემმა შეუხვია, ხოლო ეპიმ განაგრძო გზა... თია უკან მიხედვით დიდხანს უყურებდა, სანამ პატარა გორაკს არ მოეფარა...

(გაგრძელება იქნება)


კულტ-ლაშქრობა საბჭოთა კავშირში



ლენინური ახალგაზრდობის კულტ-ლაშქრობამ, რომელსაც უფრო ფართო ხასიათი მიეცა ოქტომბრის რევოლუციის თერმეტი წლის თავზე, მიუხედავად მცირე ხნისა, ნათლად დაგვანახვა, თუ როგორ ებრძვის ახალგაზრდობა ძველი უკულტურო ყოფა-ცხოვრების ნაშთებს. კულტურული ლაშქრობა მოედო მთელი საბჭოთა კავშირის კუთხეებს, ფეხზე წამოაყენა კომკავშირული ახალგაზრდობა, მშრომელი ინტელიგენცია, ამოდრაგა მრავალმილიონიანი მასა და ძლიერი ენერგიით დააჯახა ძველი ყოფა-ცხოვრების მეშინაურ კედელს. ახალგაზრდობამ ააფეთქა ძველი ადათ-ჩვეულებანი. დღეს კულტ ლაშქრობის ფართო რიგებში დგანან მრავალი საქმით დატვირთული პარტიულნი, საბჭოთა სტუდენტობა, საზოგადოებრივი მუშაკები, მასწავლებელნი, პიონერები, მოწინავე ქალები და ყოველი შეგნებული მოქალაქეც. ამ მოძრაობამ, რომელიც გიგანტური მოვლენაა თანამედროვე რევოლუციონურ ცხოვრებაში, თავის მორევში ჩაითრია საბჭოთა ინტელიგენციის ზედა ფენებიც -- პროფესურა, მეცნიერული მუშაკები და სხვ.

თითქმის ყველგან ამ კულტ-ლაშქრობის შტაბის ხელმძღვანელი არიან ღრმად კვალიფიციური წარმომადგენლები გონებრივი შრომისა. მოსკოვში და მის სხვადასხვა კუთხეში, შორეულ აღმოსავლეთში, ბაშკირიაში, და ნაწილობრივ ჩვენშიც კულტ-ლაშქრობა დღითი-დღე აწარმოებს დაუნდობელ შეტევას ძველ ჩვეულებათა წინააღმდეგ. ამით ჩვენ ვიძლევიტ მილიონიანი მასის შემოქმედებითი ინიციატივის შესაძინებ შედეგებს კულტურულ ფრონტზე. ავანგარდად მოდის ლენინის დროშის ქვეშ დარაზმული ახალგაზრდობა. მას არ ჩამორჩება პიონერთა რაზმიც. ისინი იჭრებიან მუშათა საცხოვრებლებში, გლეხების ქოხებში, ეცნობიან მათ პირობებს, ეხმარებიან მუშებს და გლეხებს წერა-კითხვის უცოდინარობასთან ბრძოლაში, ეხმარებიან ხიდების შეკეთებაში, ქუჩების გაწმენდაში, მიყრუებულ ეკლესიებში ხსნიან სამკითხველოებს

იქვე ჩამოყალიბებული პიონერთა კოლექტივიც მკვეთრ ბრძოლას უცხადებდა ლოთობას და ხულიგნობას კედლის გაზეთის საშუალებით. ამ წრეში შემავალ ქალებს აკრძალული ჰქონდათ ლოთობთან და ხულიგნობთან სიარული. ამგვარად კომკავშირელები და პიონერები დაუნდობლად ამხედრდენ ლოთობის და სხვა მანენ ჩვეულებათაწინააღმდეგ.




მოსკოვის სხვა მრავალ რაიონშიც შესდგა ანტი-ლოთობის ძლიერი კოლექტივი. ასეთი კოლექტივები ჩამოყალიბებულია საქართველოს ზოგიერთ კუთხეებშიც. ჩრდილოეთ კავკასიის ერთ-ერთ ქალაქში პიონერებმა კომკავშირელების დახმარებით შესძლეს არაყის გაყიდვის აკრძალვა კოოპერატივებში და კერძო სასადილოებში. ციმბირის ზოგიერთ წარმომებებში პიონერებმა და კომკავშირელებმა დასწრებული მუშები განსაკურნავად გადაგზავნეს; ასტრახანში ერთ-ერთ ხე-ტყის ქარხანაში პიონერებმა ითავსეს წითელი სასადილოს და საჩაიის გახსნა. აქვე მოაწყეს პიონერებმა საპროტესტო დემონსტრაცია თავისი ლოთი მშობლების წინააღმდეგ. ბრძოლა ლოთობის წინააღმდეგ უფრო ფართოვდება სოფლად, სადაც ლოთობას და ხულიგნობას ღრმად აქვს გადგმული ფესვები. მაგალითად, რუსეთის ერთ-ერთ, სოფელში, დუტოვკაში, პარტიის, კომკავშირის და უპარტიო გლეხების გაერთიანებულ კრებაზე დაადგინეს აიკრძალოს ამავე სოფელში არაყის გაყიდვა და შემოტანა. აქვე გლეხებმა შეჰვიცეს თავის შვილებს ლოთობის და თამბაქოს დამოძრა. გარდა ამისა, კულტ-ლაშქრობამ ბრწყინვალედ გაიმარჯვა წერა-კითხვის უცოდინარობის წინააღმდეგ ბრძოლაში. ჩვენ ქვეყანაში წერა-კითხვის უცოდინარი რამდენიმე მილიონია. სწორედ ჩამორჩენილობა უშლის ხელს სოციალიზმის აშენებას. ჩვენი მოვალეობაა მოვსპოთ წერა-კითხვის უცოდინარობა. სოციალიზმის დამყარებისათვის არ კმარა გამარჯვება მხოლოდ ეკონომიურ-პოლიტიკურ ფრონტზე, ჩვენ უნდა მოვახდინოთ რევოლუცია კულტურულ ფრონტზეც. ამ ბრძოლაში წინა რიგში უნდა იდგეს მებრძოლი ახალგაზრდობა — კომკავშირი და პიონერები.



კლუბებს და ამგვარად ეხმარებიან გლეხებს ყოველდღიურ წვრილმან საქმეებში. არა ნაკლები ბრძოლა წარმოებს დაწყველილი ლოთობის და ხულიგნობის წინააღმდეგ. მაგალითად, ლენინგრადში ერთ-ერთი ქარხნის ახალგაზრდა მუშებმა ჩამოაყალიბეს წრე, რომელიც დაუნდობელ პროტესტს უცხადებს ლოთობას, თამბაქოს მოწვევას, ხულიგნობას და სხვ.

უკულტურობასა და წერა-კითხვის უცოდინარობასთან ბრძოლაში კომკავშირს და პიონერ-კოლექტივებს სათანადო პრაქტიკული მიღწევები აქვთ საკავშირო მასშტაბით. პიონერებო! იყავით მზად კულტ-ლაშქრობისათვის! მიბაძეთ საბჭოთა რუსეთის მაგალითს. თქვენგან ველით კულტ-ლაშქრობის უფრო მეტ პრაქტიკულ შედეგებს!



დავითვალისაჲთ წითელი ყაზარ- მები.

საქართველოს ა. ლ. კ. კ. ცეკამ გამოიტანა რეზოლუცია, რომ ამ რამდენიმე თვის განმავლობაში უნდა ჩატარდეს კვირეული წითელი ყაზარმების დათვლიერების მიზნით. თავისთავად ცხადია, რომ ამ კვირეულში მხურვალე და აქტიური მონაწილეობა უნდა მიიღონ პიონერებმა და მოწაფეებმა. ჩვენი ახალი თაობა არ იცნობს საფუძვლიანად ახალ ყაზარმას და არც ეცოდინება, თუ რა კულტურული და პოლიტ-განმანათლებელი მუშაობა მიმდინარეობს იქ. წინათ ყაზარმა წარმოადგენდა ყოველგვარი სისაძაგლის და გარყვნილების ბუდეს, თვით დასაწოლ ოთახში ეყარა ათასგვარი ქუჭყი, ნაგავი და სანიტარულ-ჰიგიენური პირობები სრულიად არ იყო დაცული. გინება, შრომის დეზერტირობა, არავითარი კულტურული საქმიანობა, — აი რა ახასიათებდა ძველად ყაზარმას, ახალი ყაზარმა კი რადიკალურად განსხვავდება ძველისაგან. წითელ ყაზარმაში უსაქმოდ ვერ ნახავთ არმიელებს, მუშაობენ, კითხულობენ, სწერენ და, საერთოდ, ფართოდ არიან ჩაბმული ყოველგვარ საქმიანობაში. მათ მოწყობილი აქვთ კუთხეები — „წითელი“, „ლენინის“ და სხვ. ამ კუთხეებთან მოთავსებულია პატარა ბროშურები, რაც დიდ დახმარებას გაუწევს პიონერს ამა თუ იმ საკითხის გარკვევაში. წითელარმიელებს მეცადინეობის და მუშაობის გარდა ესაჭიროებათ აგრეთვე გართობა და ამიტომ აქვთ კლუბი, მუსიკალური წრე, ქაღალკი და სხვ. გარდა ამისა, სპეციალური კაბინეტი აქვს დათმობილი სამხედრო კუთხეს და ქიმიურ ლაბორატორიას. სამხედრო კუთხეში თოფი და ტყვიამფრქვევი დაშლილია თავის შემადგენელ ნაწილებად — ესეც გააცნობს პიონერს სამხედრო საქმეს და პრაქტიკას. ქიმიურ კაბინეტში უფროსი იძლევა ახსნა-განმარტებას გაზების ქიმიური შემადგენლობის და მათი გამოყენების შესახებ ქიმიურ ომში და აგრეთვე ნათელყოფს ნიღბების დამზადების საიდუმლოებას. უფრო საინტერესოა წითელარმიელთა სასადილო, რომელიც თავისი მოწყობილობით, სისუფთავით და გემრიელი საუზმეების დამზადებით არ ჩამოუვარდება არც ერთ პირველხარისხოვან სასადილოს. წითელარმიელებს აქვთ რკინის საწოლები, ყოველ ოცეულში მოწყობილია ტანისამოსის დასაკიდი და დადგმულია პირსაბნები, საფურთხებლები და სხვ. წითელარმიელების ინიციატივით ეწყობა მაღალხმინანი რადიოები, რითაც საშუალება ეძლე-

ვთ საქავშირო მასშტაბით მოისმინონ ყველა საინტერესო ამბავი, ცნობა და მუსიკა.

გარდა ამისა, ყაზარმაში ისწავლიან წერა-კითხვას. აქ საინტერესოა ერთი ფაქტი: ერთი ახალგაზრდა, რომელიც სოფლიდან ჩამოვიდა ქალაქში, შემთხვევით მოხვდა წითელ არმიაში. აქ მან ისწავლა წერა-კითხვა და შემდეგ თავის დედას მისწერა წერილი, სადაც სწერდა, რომ ყაზარმა არის მეორე სახლი და სკოლა, სადაც იძენენ ცოდნა-განვითარებას.

საქიროა აგრეთვე ლიგიონთან ცოცხალი კავშირის დაქერა და ურთიერთ შორის მუდმივი თანამშრომლობა, მისვლა-მოსვლა საქმიანი მიზნით. თავის მხრივ პიონერებმაც უნდა მოწვიონ წითელარმიელები თავიანთთან, გააცნონ მათ თავისი მუშაობა, — მხოლოდ ამით შევძლებთ მტკიცე მეგობრული ურთიერთობის დამყარებას.

მაშ, პიონერებო, ნულარ დაავიანებთ, ეხლავე შეუდექით ამ საქმის განხორციელებას და ყველამ მასიურად დაათვლიერეთ წითელი ყაზარმები.

გოგი ლომიძე.

პიონერებს უხმარებენ.

გორის პედაგოგიურ ტექნიკუმში რამდენიმე წელიწადია, რაც ჩამოყალიბებულია ა. ლ. კ. კავშირის უჯრედი.

ეს უჯრედი ყოველგვარ საქმეში, როგორც პოლიტიკურ, ისე კულტურულ დარგშიც, ეხმარება და ხელმძღვანელობს გორის ნორჩ პიონერთა ორგანიზაციას, „აკი“-ს სახელობის პიონერთა კოლექტივს.

უჯრედიდან გამოყოფილია რამდენიმე აქტიური კომკავშირელი, რომელნიც ხელმძღვანელობენ ამ კოლექტივს და მუშაობენ დაუღალავად პიონერთა საქმის გასაჯანსაღებლად.

გარდა ამისა, ტექნიკუმის მსმენელები დიდ დახმარებას უწევენ გაზეთის წერაში, მის თავის დროზე გამოშვებაში, მასალების მიწოდებაში და სხვ. თუ რამე გაკეთებულა ამ მხრივ, სამაზრო კომიტეტის და პედ-ტექნიკუმთან არსებულ უჯრედიდან გამოყოფილი ამხანაგების აქტიურ მუშაობას უნდა მიეწეროს.

ს. შეშაბერიძე

ლოთოვის წინააღმდეგ

ამ დღეებში მოსკოვში ბაუმანის რაიონის პიონერებმა და სკოლის მოწაფეებმა მოაწყეს საინტერესო ბრძოლა ლოთობას წინააღმდეგ: ისანი თავს დაესხნენ მამებს უქმეების წინააღმდეგ, როდესაც ისინი, რა მუშაობას მორჩენ, ლუდხანებისაკენ გაემართენ „გადასაკრავად“.

პიონერები, მოწაფენი წინდაწინვე შეიკრიბნენ ზაგორსკის სახელობის კლუბში, სადაც განიხილეს და შეადგინეს იერიშის გეგმა; შემდეგ მათ ალყა შემოარტყეს, დაიჭირეს ელექტრო-ქარხნის „გეტ“-ის და სხვა დაწესებულების ყველა გამოსასვლელი.


მუშები რა საქმეს მორჩენ და გასწიეს „ცოტაოდენის გადასახუხად“, ჩასაფრებულ პიონერებს წააწყდნენ.

ამ ბავშთა მკიდრო რკალში სახელდახელოდ გაიმართა მფრინავი მიტინგი, სადაც პატარა ორატორები მამებს უხსნიდნენ ალკოგოლის მავნებლობას, რითაც მშობლები კმაყოფილი დარჩნენ.

მაყვალა

კოჯინის პიონერ-კოლაქტივი

ამ ზამთარში მონაწილეობა მივიღეთ ორ უდიდეს საზოგადოებრივ-სასარგებლო საქმეში. ეს იყო კულტურული ლაშქრობა და ლითონის მოგროვება. ერთი თვით აღრე ვემზადებოდით კულტურული



კოჯორის პიონერთა სახლი (პირველი)

ლაშქრობისათვის; წინასწარ ჩატარდა საუბრები კულტურული ლაშქრობისა და კულტურული რე-

ვოლუციის მნიშვნელობის შესახებ. ვემზადებოდით ლაშქრობისათვის, ვწერდით ლოზუნებს და პლაკატებს.

გასულ კვირას ჩვენი პიონერ-კოლექტივი გაემგზავრა სოფელში. წინ მიგვიძღოდა კომისია, რომელიც გვაჩვენებდა, თუ სად არა იყო დანიშნული. გავწმინდეთ არხი, რომელიც გაფუჭებული იყო უმებისაგან, და მთელი გზა ატალახებულიყო.

შემდეგ წაველით გლეხთა კლუბში, ქობ-სამკითხველოში. სხვათა შორის, ჩვენი გლეხთა კლუბი და ქობ-სამკითხველო ძალიან დარბია, მას არა აქვს საშვალეობა დაიჭიროს დარაჯი, დაასუფთავებინოს ბინა და სხვა.

ჩვენ ბევრხანს ვასუფთავებდით კლუბ-სამკითხველოს.

საღამოს გაემართეთ საღამო-წარმოდგენა. მოხსენებით გამოვიდნენ კომუჯრედის, კომკავშირის და პიონერთა ორგანიზაციის წარმომადგენლები, რომელნიც აღნიშნავდნენ, თუ რა მნიშვნელობა აქვს კულტურას, გაუმჯობესებულ ცხოვრებას და ცხოვრების გაუმჯობესების ერთ-ერთ საშუალებას — კულტურულ ლაშქრობას. დადგულ იქნა რევოლუციონური პიესა. უნდა აღინიშნოს, რომ ჩვენი მოქმედებით ძალიან კმაყოფილი დარჩა ადგილობრივი გლეხობა.

გ. ფარჯიანი.

კლიარი კოლაქტივი.

ოზურგეთის „ეპოს“, პარტიასთან და კომკავშირთან არსებულ ლ. ქართველიშვილის სახელობის ნორჩ პიონერთა კოლექტივი 168 ბავშს აერთიანებს. ამათგან 105 პიონერია, 18 პიონერ-კომკავშირელი და 45 ოქტომბრელი. პიონერთა კოლექტივი დაყოფილია 9 რგოლად; თითოეულ რგოლს თავისი ხელმძღვანელი ჰყავს. კოლექტივს ჰყავს თავისი საბჭო, რომელიც 11 ბავშვისაგან შედგება (8 პიონერ-კომკავშირელი და 3 პიონერი), გამოდის ორკვირეული კედლის გაზეთი „პიონერთა ხმა“, არსებობს ცოცხალი გაზეთი.

ჩვენმა კოლექტივმა აქტიური მონაწილეობა მიიღო ლითონის შეგროვებაში. მადლობის ღირსი არიან ჩვენი კოლექტივის ხელმძღვანელი ამხ. ალექსანდრე სიამაშვილი და საბჭოს მდივანი ამხ. გივი ხოხლენკო, რომლების აქტიური და ენერგიული მუშაობის გამო ჩვენი კოლექტივი ოზურგეთის თემში ერთ-ერთ ძლიერ და სანიმუშო კოლექტივად ითვლება.

პიკორი ნათელა ჭყონია.

ჩვენ ძალიან გვინტერესებს, თუ როგორ მონაწილეობას იღებდნენ პიონერები და მოწაფეები საბჭოების გადარჩევაში, ან როგორი აღმზრდელობითი შედეგი მიიღეს

ბავშვებმა ამ საზოგადოებრივი მუშაობის ჩატარების დროს.

გაგზავთ, პიონერებო, მოწაფეებო, მსწავლეებო და პიონერ-კოლაქტივების წინამძღოლებო,

ველით თქვენთან პასუხს!

პიონერებო! თქვენი ქუთნალის „პიონერის“ რედაქცია აგრეთვე იძლევა რჩევა-დარიგებას. თუ რაიმე გაუგებარი იქნება თქვენთვის, შეგიძლიართ რედაქციაში და აქ მიიღებთ გარკვეულ პასუხს პიონერთა მუშაობის ახალი სისტემის სხვადასხვა საკითხზე.

„პიონერის“ პ/მ რედაქტორი ალიო მარაშვილი.



თქვენს შესახებ ვერაფერს ვიტყვი, ანხ. პიონერებო, მაგრამ მე ხშირად მემართება ასეთი ისტორია: დავიწყებ თუ არა რამეზე ფიქრს, თავში ერთი აზრი გამივლის, მას მოყვება მეორე, მას კიდევ მესამე. აზრები ირევიან თავში და მოსვენებას არ მძლევენ. მაგრამ, მეათემდე სანამ მივალწევდე, პირველი აზრი სადღაც გაიპარება. ვიგონებ, ვიგონებ და მაინც ვერ მოვიგონებ დაკარგულ აზრს. უკვალოდ გაიპარა. ძალიან მოსაბეზრებელი საქმეა საკუთარი აზრების დაჭერა. ამიტომ გადავწყვიტე ამ წაების თავიდან ასაცილებლად სრულიად უბრალო საშვალეება გამომენახა: ვიყიდე პატარა ბლოკ-ნოტი, ფანქარი და დავიწყე ყველა ამ აზრის გარკვევით ჩაწერა. მაშინ ყველაფერი რიგზე დაეწყო და მეც განვთავისუფლდი გაქცეულ აზრებზე ნადირობისაგან. ეხლა სრულიად არ მჭირდება ვლიო ფიქრებს, როგორც სდევს მწყემსი დაბნეულ ცხვრის ფარას.

ერთხელ პატარა წიგნაკი წავიკითხე. იქ წერია იმის შესახებ, თუ როგორ ხდება საპარლამენტო არჩევნები ბურჟუაზიულ ქვეყნებში.

წავიკითხე და ჩავფიქრდი. ამ ქვეყნებს კაპიტალისტები მართავენ, მათ ხელშია ძალა-უფლება, ფული, ქარხნები, საწარმოო იარაღები, მიწები და სხვა, ერთი სიტყვით, ყველაფერი. მუშებს და ღარიბ გლეხებს კი არაფერი არა აქვთ. და სწორედ იმიტომ, რომ ეს უკმაყოფილო მუშები და გლეხები არ აღდგენენ კაპიტალისტების წინააღმდეგ, უკანასკნელნი მათ რამდენიმე წელიწადში ერთხელ გადაუგდებენ გამოხრულ ძვალს — არჩევნებს.

— ძვირფასო ხალხო, შეგიძლია ამოიჩიო, ვინც ვინდა, — ამბობენ კაპიტალისტები. — ჩვენი ქვეყანა დემოკრატიულია, მხოლოდ ჩვენს ქვეყანაში არსებობს ყოველგვარი თავისუფლება!

ყველაფერი ეს მხოლოდ ლამაზი სიტყვაა, სინამდვილეში კი არც ისე ლამაზადაა საქმე! სინამდვილეში ეს არჩევნები მხოლოდ მოტყუებაა.

აი, ამერიკაში, მაგალითად, არსებობს ორი პარტია: დემოკრატიული და რესპუბლიკანური. დემოკრატიულ პარტიაში არიან მსხვილი კაპიტალისტები და მესამელები, რესპუბლიკანურში კი — ბანკირები და მრეწველები. არჩევნების წინ ორივე ეს პარტია ისეთ გაცხარებულ აგიტაციას ეწევა, რომ ბოლოსა და ბოლოს პარლამენტში დეპუტატებად კაპიტალის აგენტები ხედებიან.

1912 წლის გაზაფხულზე პარლამენტში არჩევის დროს ამომარჩევლის თითო ხმაში ხუთ დოლარს იხდიდნენ, ამავე წელს პრეზიდენტის არჩევის დროს კი ორ მილიონ დოლარამდე დაიხარჯა.

აი, სად მარხია ძაღლის თავი! უყურეთ, რა მოხერხებული ყოფილა ეს ხალხი!.. როდესაც ყველა ამ ოინბაზობას ვკითხულობდი, ერთი რამ მაფიქრებდა: სად არიან ამ დროს მუშები? ნუთუ ისინი ისეთი უვიცები და მონები არიან, რომ შესაძლებელია იქით უკრა მათ თავი, საითაც გასურს?

არჩევნების დროს მუშებს ყოველთვის სამუშაოდან დათხოვას ემუქრებიან. არჩევნებს დროს ციხეები ყოველთვის ივსება უკმაყოფილო მუშებით და მათი მედგარი დამცველებით — კომუნისტებით.

კაპიტალისტები ყოველ ძალ-ღონეს ხმარობენ, რომ პარლამენტში მხოლოდ მათი აგენტები იყონ გაყვანილი.

ის, რაც ხდება თავისუფალ და „დემოკრატიულ“ ამერიკაში, სხვა ქვეყნებშიც მეორდება. მაგალითად, ინგლისის პარლამენტის ყველა 425 წევრი მხოლოდ მსხვილი კაპიტალისტები და სააქციონერო საზოგადოებათა წევრები არიან და, რასაკვირველია, ისინი სრულიად არ ფიქრობენ მუშებსა და გლეხებზე.

მაგრამ კომუნისტურ პარტიებსაც არ სძინავთ ამ დროს. ისინი უხსნიან მუშებს კაპიტალისტების მთელ საქმიანობას. ოჰ, როგორ ბრაზდებიან ამ დროს კაპიტალისტები, როდესაც, მიუხედავად მათი ხრიკებისა, კომუნისტები მაინც გადიან პარლამენტში.

მე წამოდგენილი მაქვს, რა სიხარბით გვიყურებენ ევროპის მუშები, როდესაც ჩვენში საბჭოების არჩევნები ხდება. აი, ვის უნდა მიბაძონ მათ, თუ სურთ ქვეყნის მართველობა! მაგრამ, როდესაც საბჭოები უკვე აირჩევა, ჩვენი ამომარჩევლები კი არ გაიძახიან: „აი, ჩვენ ამოვირჩიეთ, თქვენ იქ იმუშავეთ, ჩვენ კი დავედებით და თვალყურს ვადევნებთ თქვენს მუშაობას!“ პირიქით, დეპუტატებმა თავისი მუშაობის შესახებ ანგარიში უნდა ჩააბარონ იმათ, ვინც ისინი აირჩია. საბჭოები, რასაკვირველია, მუშაობენ მთელი ქვეყნის მშრომელთა კონტროლის ქვეშ.

ამ რამდენიმე დღის წინ ერთ ჩემს ამხანაგს ვეკამათებოდი. წავეჩხუბე კიდევ. ის კარგი ყმაწვილია, მხიარული, ერთგული. ის ჩემი ერთადერთი მეგობარია, მაგრამ ჩვენ ხშირად ვჩხუბობთ, ვინაიდან ის ყველაფერს ძალიან ზერეულედ უცქერის.



პიონერი სუენს წერილს საბჭოთა არჩევნების შედეგებზე

— ასტეჩეს, რაღა, გაზეთებში ამდენი აურზაური, — მითხრა მან ერთხელ, — სწორედ მხოლოდ საბჭოების არჩევნებზე, ლაპარაკობენ მხოლოდ არჩევნების შესახებ, თითქოს სხვა საინტერესო საკითხი არ არსებობდეს. ჩემის აზრით, ზედმეტია ამდენი ხმაური და გაზვიადება. ჩვენი ქვეყანა საზღვარგარეთი ხომ არ არის, ჩვენში ყველაფერი უბრალოდ უნდა ხდებოდეს. აბა, ვინ გვიძლის ხელს არჩევნებში? და არავისაც არ შეუძლია ხელი შეგვიშალოს. ვინ გაზედავს! ეს მხოლოდ დასავლეთში ხდება, სადაც სხვადასხვა პარტია ეკინკლავება ერთმანეთს, ჩვენში კი მხოლოდ ერთი პარტია არსებობს — კომუნისტური პარტია, და ყველა მას მიყვება. მართალი ვარ თუ არა?

— არა ხარ მართალი, — ეუბასუხე, მაგრამ, რომ დამემტკიცებია ჩემი ამხანაგის შეცდომა, მე ცოტა ხან როდი ვიყავი ჩაფიქრებული, რადგან ის ერთის შეხედვით თითქოს მართალი იყო. — შენ, გოგი, გავიწყდება, რომ ჩვენში არიან ისეთებიც, რომლებიც არ მიყვებიან კომუნისტურ პარტიას და მუშებს. ესენი არიან კულაკები, ნეპმანები! ხო! ასეა?

— მერე რა! ისინი ცოტანი არიან! — მომიჭრა გოგომ.

— ბევრია თუ ცოტა, — ისინი ხომ ჩვენი ვერაგი მტრეი არიან და ყოველთვის ცდილობენ ხელი შეგვიშალონ მუშაობაში, განსაკუთრებით კი არჩევნების დროს.

— ისინი ხომ საბჭოებში არ ირჩევენ, მათ ხომ არჩევნების უფლება წართმეული აქვთ.

— ისინი, რასაკვირველია, საბჭოებში დებუტატებს ვერ ამირჩევენ და ვერც თვითონ მოხვდებიან საბჭოში, მაგრამ ისინი ცდილობენ თავისი აგენტები გაიყვანონ!

— ვერაფერსაც ვერ გახდებიან!

— შენ გგონია, რომ ისინი არჩევნების დროს კუდამოძულებულნი სხედან? ცდ ბი!.. კულაკი ამ დროს გაცხარებულ აგიტაციას და პროვოკაციას ეწევა.

ვის აქვს ფული? კულაკს! ვინ ყვლეფს საწყალ გლეხს? რასაკვირველია, კულაკი! ვინ ემუქრება მოჯამაგირეს გაგდებას? კიდევ კულაკი. შენ კი ამბობ, კულაკს არაფერი არ შეუძლიაო.

— დიდი ზიანის მოტანა მაინც არ შეუძლია.

— ყოველ შემთხვევაში, ჩვენ ფრთხილად უნდა ვიყოთ. კულაკებს, გარდა ამისა, ჰყავთ მოხელეები მლედლების სახით. წარმოვიდგინოთ ასეთი შემთხვევა: კულაკები შეავიწროვებენ მოჯამაგირეებს და კიდევაც აიძულებენ მათ საბჭოში აირჩიონ არა თავისი მოძმე გლეხები, არამედ ისინი, ვინც კულაკის ინტერესებს დაიცავს. ხომ შეიძლება ასე მოხდეს?

— ასეთი შემთხვევა გუშინ გაზეთშიც წავიკითხე.

— მორჩა და გათავდა! ესე იგი, ასეთი შემთხვევები ხდება. აქედან ის დასკვნა შეგვიძლია გამოვიტანოთ, რომ ჩვენ ჯერ კიდევ გვყავს მტერი კულაკების და ნეპმანების სახით, რომ ჩვენში ჯერ კიდევ გრძელდება კლასური ბრძოლა. ამიტომ დღეს მთავარი ყურადღება საბჭოთა არჩევნებს უნდა მიექცეს. შენ კი ამბობდი, თითქოს ჩვენში ყველაფერი ადვილად და უბრალოდ კეთდება. ეხლა ხომ გჯერა?

გოგი გაჩუმდა. ეს იმის ნიშანი იყო, რომ ის ყველაფერში მეთანხმებოდა.

წელს ჩვენც, პიონერებსაც, ბევრი რამის გაკეთება მოგვიხდა არჩევნების დროს. ჩვენ ვარჩევდით საბჭოსთვის მითითებებს და ახალი მუხლები შევიტანეთ შიგ. ჩვენ მოვითხოვეთ სკოლებში ცხელი საუზმეების შექმნა, სახელმძღვანელოებზე ფასის დაკლება, აგრეთვე სასპორტო ნივთების გაიაფება.

ჩვენ გამოვიკვლიეთ მრავალი სკოლა და საბავშვო სახლი. გარდა ამისა, ჩვენმა პიონერებმა სხვა მრავალი სამუშაო შეასრულეს: დავარიგეთ პროკლამაციები, დავხატეთ პლაკატები და ლოზუნგები. ამგვარად წელს პიონერებიც მხურვალე მონაწილეობას იღებდნენ საბჭოთა არჩევნებში. მალე ჩვენც გვექნება უფლება საბჭოში დებუტატები ამოვირჩიოთ. ჯერ კი უნდა შევეჩვიოთ, ჯერ ბავშვები ვართ. სანამ გავიზრდებოდეთ, ჩვენი პატარა მუშაობით შეგვიძლია შესამჩნევი წვლილი შევიტანოთ საზოგადოებრივ ცხოვრებაში. სოფლებში, მაგალითად, არჩევნების დროს პიონერები დარჩებიან შინ, მოუფლიან უმცროს ძმებს, დებს და აგრეთვე დაახვედრებენ სადილს კრებიდან დაბრუნებულ დედ-მამას.

მე გგონია, რომ პიონერები ყოველთვის თვალყურს ადევნებენ, რომ საბჭოში არჩეულმა დებუტატებმა შეასრულონ მათ მიერ შეტანილი წინადადებები და თუ არ შეასრულეს, ჩვენ, პიონერები, პასუხს მოვთხოვთ მათ!

ჩავწერე ყველაფერი ეს, წავიკითხე და ჩაფიქრდი:

— წერილს არა უშავს. პიონერებისათვის გასაგებია. გადავწერ სუფთად ქალაქზე, ჩავდებ კონვერტში, დავაწებებ მარკას, დავაწერ მისამართს და გავაგზავნი „პიონერის“ რედაქციაში. მშვენიერი აზრია...

ოჰ, რა მოუთმენლად ველი ყურნალი „პიონერის“ მორიგი ნომრის გამოსვლას!..

პიონერი ნ. ს-ი.

ბურჟუაზიულ კაპიტალიზმში

საქართველო
საბჭოთაო

თუ თვალს გადავავლებთ კაპიტალისტური ქვეყნების თანამედროვე ცხოვრებას, დავინახავთ, რომ მშრომელი ახალგაზრდობა, რომელიც მოქცეულია ბურჟუაზიის კლანკებში, საშინლად იტანჯება. ბურჟუაზია ებრძვის არა მარტო მუშებს, რომლებიც მუდამ დემონსტრაციულად გამოდიან ქუჩებში „ინტერნაციონალის“ გუგუნით უსამართლობის წინააღმდეგ, არამედ მათ შვილებსაც, რომლებიც მოწინავე ელემენტები არიან საზოგადოებრივ ცხოვრებაში... ბურჟუაზიას რომ ვკითხოთ, მას თავი უდიდეს კულტუროსხად მიაჩნია, მაგრამ ამ დიდ „კულტუროსნობაში“ უდიდესი ბარბაროსობა ბუდობს. ყოველ რევოლუციონურ მოძრაობას, რომელიც მიმართულია მის წინააღმდეგ, ის თოფებისა და ზარბაზნების გრიალით აქრობს. დღეს ყოველ ქვეყანაში, ყოველ ქალაქში მოიხმის გაფიცული მუშების ხმები, რომლებიც მოათხოვენ თავისუფლებას. ამ მხრივ იყო მიმართული ვენის მუშების თავგანწირული ბრძოლა, ასეთისავე სახის იყო ლოდის მუშების გაფიცვა, რომელიც პოლიციის გაძლიერებულმა რაზმმა თოფის გრიალით ჩააქრო. გაფიცვებში აქტიურ მონაწილეობას იღებდნენ არა მარტო მუშები, არამედ მშრომელი ახალგაზრდობაც, რომელიც უფრო ცუდ მდგომარეობაშია. ისინი მუშაობენ მთელი დღე-ღამის განმავლობაში.

თვალი რომ გადავავლოთ პოლონეთის ციხეებს, ჩვენ იქ დავინახავთ რევოლუციისათვის მებრძოლ ახალგაზრდებით სავსე საკნებს. ისინი იქ განიციდნენ დამკვირვებებს; წამებას, სიძმობს და წყურვილს, ჩამწყვდეული არიან ხავსმოდებულ საკანში, სადაც ხშირად თვითმკვლელობით ბოლოვდება მათი სიცოცხლე. ასე, მაგალითად, პოლონეთის ერთ ციხეში მკვდარი იპოვეს 19-20 წლის ახალგაზრდა. მან ვერ აიტანა ციხის ნესტიანი პაკრი, მისი მებრძოლი სული შეიწირა ციხის ხავსინაში კედლებმა. მეორე მაგალითი: პოლონეთში ერთმა პარტიზანმა, 21 წლის ახალგაზრდამ, თავი მოიკლა. რამ მიიყვანა იგი ამ ზომამდე, თუ არა დაუსრულებელმა ტანჯვა-წამებამ, რამდენიმე წელს ციხეში განმარტოებით ჯდომამ, სადაც მას მხოლოდ და მხოლოდ ღამის დარაჯის სასტვენელის გულშემზარავი ხმა ესმოდა. ბურჟუაზიული ქვეყნების ციხეები სავსეა კაპიტალისტ ტყვეებით; ისინი საშინელ წამებას განიცდიან.

პოლონეთს არ ჩამორჩებიან თავისი „გმირული საქმეებით“ ახალგაზრდობის მიმართ საფრანგეთი, გერმანია, ფრანსტური იტალია და სხვა სახელმწიფოები. ეს ხდება იმ დროს, როდესაც ბურჟუაზიული სახელმწიფოები უკანასკნელს კაპიტალს კი არ იშუოებენ ახალი ჯავშნოსანის ასაგებად, რომლთაც უნდა გაანადგურონ ძაოფლიო პროლეტარიატი. მუშათა კლასი ბურჟუაზიის ამ განზახვას გაფიცვებით ებრძვის. გერმანიაში ჩატარებულმა გამოკვლევამ ახალგაზრდობის შესახებ შემდეგი გამოარკვია: მატერიალური წხრით ისინი უმწეო მდგომარეობაში არიან. ზემოშეკარი მშობლები იძულებული ხდებიან თავისი მცირეწლოვანი ბავშვები მძიმე სამუშაოებზე გაგზავნონ, რაც ძველებელია ახალგაზრდების ორგანიზმისათვის. მანკეიმში 10,000 მოწაფედან 3929 მხოლოდ სწავლობს, დანარჩენი კი ჩაბმულია მძიმე სამუშაოებში. დამშეული ბავშვებისათვის ბურჟუაზიულ სახელმწიფოებს არა აქვთ ფული, ჯავშნოსანის აგებისათვის კი მილიონებს ხარჯავენ.

საშინელი მდგომარეობაა საფრანგეთშიც. აქ პირდაპირ სახრხობელა აღმართული ახალგაზრდობისათვის. ამ მხრავ საინტერესოა ამხ. ვოტრის წერილი, რომელიც გვისურათებს ბურჟუაზიის დამოკიდებულებას კომკავშირისა და საერთოდ ახალგაზრდობისადმი:

„პოლიცია უთვალთვალებს ორგანიზაციას, ჩხრეკს, სდევნის. ქა-ხნის პატრონი არ იღებს მუშას, თუ ის კომუნისტია. ამასწინათ პარიზში პოლიცია თავს დაესხა

კომკავშირის მესამე რაიონს, სადაც კომკავშირის კრება იყო. პოლიციამ ჩამოართვა კომკავშირელებს წიგნაკები და თან გაიყოლია სახაზინო დავთრები. კრება ფაქტიურად დარბეული იყო. 5 კომკავშირელი დააპატიმრეს.“ მოვუსმინოთ შემდეგ ამხ. ვოტრის: „ამ დღეებში პოლიციის აგენტებმა ალყა შემოარტყეს კომკავშირის მე-4 რაიონის ბინას და ჩაშალეს კრება. კომკავშირის ცენტრალური რაიონის მდივანი ამხ. კარრე აქტიური მუშაობის გამო დააპატიმრეს და 15 დღით ჩასვეს ციხეში“.

ასეთ მდგომარეობაშია საფრანგეთის ახალგაზრდობა. ხშირად გაფიცულთა შვილები უსახლკაროდ რჩებიან. პოლიცია, მარჯვენა ხელი ბურჟუაზიისა, მეუბრალეობს. ნორჩ ბავშვებსაც კი უხეშად ეპყრობა. მაგალითისათვის მოვიყვანოთ ერთი მეტად საგულისხმო ამბავი: „პარიზში ჩამოვიდა ალუენის გაფიცული ფეიქრების 18 ბავშვი. ბავშვების შენახვა იკისრეს პარიზის მუშათა ორგანიზაციებმა. „ლუდანიტეს“ (გახეთის სახელწოდებაა) ცნობით, ალუენიდან გამგზავრების დროს ბავშვებს მიყვებოდა პოლიციის გაძლიერებული რაზმი, რომელიც არ უშვებდა ბავშვებთან გასაცილებლად მისულ ხალხს. პარიზში სადგურზე ბავშვებს შეხვდა 800 მუშა, აგრეთვე კომპარტიის და მუშათა ორგანიზაციების დელეგატები. ბურჟუაზია მკაცრ ზომებს მიმართავს საშინელი რევოლუციონური მოძრაობის ჩასაქრობად. ის სცემს პატარა პიონერებსაც. ჰამბურგში პოლიცია თავს დაესხა პიონერების კრებას. სადაც პიონერები მოუწოდებდნენ ყველას, დახმარებოდნენ ნავსადგურის გაფიცულ მუშებს. მოწყობილი დემონსტრაცია პოლიციამ ჩაშალა, რეზინის ჯოხებით გალახა პატარა პიონერები, და ბავშვები აცრემლებული დაბრუნდნენ შინ. ასეთივე ამბები ხდება ჩეხო-სლოვაკიაში. კლდნოვის რაიონში შესდგა მუშა ახალგაზრდობის მრავალრიცხოვანი კრება, რომელმაც გამოამყვანა ახალგაზრდობის მებრძოლი განწყობილება. კრებამ გამოიტანა რეზოლუცია, რომელშიც მემადაროე მუშა ახალგაზრდობა ფიცს სდებს მტკიცედ იბრძოლოს თავისი უფლების გაუმჯობესებისათვის. კრებას თავს დაესხა პოლიცია. კრების ყველა ხელმძღვანელი დააპატიმრეს. ასეთი მდგომარეობაა ბულგარეთში. რუმინეთში და სხვაგან.

ახალგაზრდათა საერთაშორისო დღის ჩატარების დროს პოლიციამ დიდძალი კომკავშირელი დააპატიმრა.

დააპატიმრებულები გაასამართლეს ქ. იამბულაში და სლოვენოში (ბულგარეთში). ყველას ბრალად ედებოდა, რომ ისინი არიან კომკავშირის წევრები. 29 ოქტომბერს გამოტანილ განაჩენში 28 კომკავშირელს მიუსაჯეს 2 წლის ციხე.

არც ქალები სდუმან, მათაც შეაქვთ წვლილი ახალგაზრდათა საერთაშორისო მოძრაობაში.

ლონდონში (ინგლისი) გაიფიცა 1000 მეტი ახალგაზრდა მკერავი ქალი. გაფიცვამ 2 კვირას გასტანა. გაფიცულთა მოთხოვნა ნაწილობრივ დააკმაყოფილეს.

უფრო უნოგეშო მდგომარეობაა ფაშისტურ იტალიაში აქ ერთად შეერთებულ-შეხმატკბილებული გამოდის ბურჟუაზია და ფაშიზმი; რევოლუციონური მოძრაობის წინააღმდეგ. ფაშისტები აარსებენ სხვადასხვა ორგანიზაციას, რომ მასში ჩა თრიონ ახალგაზრდები და აღზრდონ თავისებურად, მაგრამ დღეს არავენ წამოეგება ფაშიზმის მიერ გადასროლილ ანკესზე. მშრომელი ახალგაზრდობა და მათი უმცროსი ძმები პიონერები თავგანწირულად იბრძვიან უსამართლობის წინააღმდეგ.

ასეთია მოკლედ ახალგაზრდობის მდგომარეობა კაპიტალისტურ ქვეყნებში, რომლებიც თავიანთ თავს უაღრესად „კულტუროსნებს“ უწოდებენ, მაგრამ ფაქტები ამტკიცებენ, რომ ამ „კულტუროსნობაში“ უდიდესი ბარბაროსობაა.

მიმიკრია და უხელო მათობა

ძველად იმში ჯარი ათასგვარ ჭრელ ტანისამოს ატარებდა, ახლა კი „მფარველი ფერის“ ტანისამოსი აცვია და შორიდან ვერც კი შეამჩნევთ, რომ ეს ჯარია. ეს ოსტატობა გარემოცული ბუნების ფერთან შეგუება, ადამიანმა ბუნებისაგან ისწავლა. ბუნებაში გაცხოველებული ბრძოლაა, ერთი მწერი მეორეს სჭამს, ერთი ცხოველი მეორეს სიცოცხლეს უსპობს, ფრინველები უფრო სუსტ ფრინველებს არ ინდობენ შესაქმელად. ბევრი, ქალიან ბერი გვარის ცხოველ-ფრინველ-მწერი ვერ მოაწევდა ჩვენს დრომდე, რომ ბუნებას არ მიეცა მათთვის თავდაცვის მეტად თავისებური საშუალება — მათ ისეთივე ფერი აქვთ, როგორც გარემოცულ ბუნებას. მაგალითად, პოლუსთან, სადაც თვალმომჭრელად ელავს ყინული და თოვლი, კურდღელი, ბუ და ტყის ქათამი თეთრია; თეთრია ზღვის დათვიც, რომელიც ყინულზე გარინდდება და უცდის თავის მსხვერპლს. უდაბნოში, სადაც ირგვლივ ყვითელი სილაა, ცხოველებიც ყვითელი არიან; იქ, სადაც ირგვლივ ამწვანებულია ყოველივე ხეებსა და მწვანე ბალახში მცხოვრებ ფრინველ-მწერებს უმათარესად მომწვანო ფერი აქვთ.


გვაქვს თუ არა რაიმე საბუთი დანამდვილებით ეთქვით, რომ გარემოცული ბუნების ფერი თავდაცვისთვის უნდათ ცოცხალ არსებებს? პოლარულ ქვეყანაში კურდღელი, ბუ, ტყის ქათამი და ზოგი სხვა ცხოველი მხოლოდ ზამთარშია თეთრი, გაზაფხულზე კი — ჭრელი, როდესაც ბუნებაც აფერადდება. დააკვირდით დედალ და მამალ ფრინველებს და დაინახავთ, რომ დედლები არიან ნაცრისფერი, ან ყავისფერი, მამლები კი აფერადებულნი. რისთვის? დედლებს უხდებათ კვერცხების გამოჩეკა და საჭიროა რაც შეიძლება ნაკლებ შესამჩნევი იყონ მტრისათვის. ბუდში მჯდომ მწყერს ან ხოხობს თქვენ ისე ჩაუვლით, რომ ვერც კი შეამჩნევთ. ხშირია ასეთი შემთხვევა: დასაჭერად მისდევთ პეპელას, აი, კიდევ დაეწიეთ, ახლა კი ვერსად წაგივიათ, ის თქვენს ხელშია — და უტბად სადღაც გაქრება იგი, ეძებთ, ეძებთ და ვერ ვიპოვებთ. რა მოხდა? ის ჩაჯდა, გაინაბა და სულ აღარა ჰგავს იმ ლამაზ ჭრელ პეპელას, წელიან რომ დაფრინავდა.



პეპელა — მომეტრალე ფოთოლი

ზოგი პეპელა ამ დროს გამხმარ ფოთოლს ემსგავსება. ბევრია ასეთი პეპელა, მაგრამ მართლაც რომ საოცარია ე: წყ. მომეტრალე ფოთოლი — პეპელა, რომელიც, როდესაც დამაღვს სულს ნამდვილ ფოთოლს წარმოადგენს.

დახედეთ სურათს და სთქვით, აბა რა უგავს მას პეპელას? აი, აფრინდა მიმალული და ათასფერად აბრწყინდა, მას ყველა მტერი ადვილად შეამჩნევს და ეს ხომ მისთვის ცუდია? ბუნებისმეტყველთა აზრით, მფრინავი და მჯდომი-



ბრაზილიის ტყე ღამით.

რე პეპელას კონტრასტი, პირიქით, ერთი-ორად ხელს უწყობს თავდაცვას. მისდევთ ჭრელს, ლამაზს და უცებ ხელდავთ უშნო ფოთოლს, რომელსაც ისე ჩაუვლით, რომ ვერც იფიქრებთ, თუ ეს განაბული პეპელაა, აფრიკაში არის პეპელა, რომელსაც ცუდი სუნი უდის და ამიტომ მტრები მას ხელს არ ახლებენ. მეორე გვარის პეპელა, რომ იმანაც გადარიჩინოს თავი, ბაძავს მას ისე კარგად, რომ მათ ერთმანეთისაგან ვერ გამოარჩევთ. აი კიდევ მაგალითი: არის ერთი ჭრელი და მეტად შხამიანი გველი. რომლის დანახვაც კი შიშს გვრის ცოცხალ არსებას. ეს გველი ძალიან ადვილი დასანახავია, რასაც მიმიკრიის მომხრეები შემდეგნაირად ხსნიან: ასეთი ფერადებიც, რომლებსაც მეოხებით მტერი ძალიან ადვილად შეამჩნევს მათ, თავდაცვისთვისაა — მტერი ხვდება, ეს საშიშარია, ამას ხელი არ უნდა ვახლოო. ამ შხამიან გველს ბაძავს ზედმიწევნით კარგად მეორე გველი, რომელიც სრულიად უვნებელია.

ადამიანიც არა მარტო ომის დროს მიმართავს გარემოცული ბუნების ფერს. მაგალითად, გაზაფხულზე, როდესაც მინდორ-ველი ამწვანებულია, ტყის ქათმების მოსაქლავად მიმავალი მონადირე მწვანე ტანისამოსს იცვამს, რომ უფრო კარგად მიეპაროს და დაიმალოს. ზამთარში კი, იხვებზე სანადიროდ თეთრი ზეწარი მიეჭებთ. თუ წყლის პირას თოვლია, მონადირე გაეხევა ზეწარში და გაინაბება. დილას, როდესაც იხვები აიშლებიან, ისინი ვერ ამჩნევენ ზეწარშემოხვეულ მონადირეს და ახლოს გადაუფრენენ, და მონადირესაც ხომ ეს უნდა!

ამრიგად, მიმიკრია არის ფორმითა და ფერით გარემოცულ მორთულობასთან შეგუება; მაგრამ აუცილებლად საჭიროა კრიტიკის ქარ-ცეცხლში გავალოთ ყოველივე, კარგად ჩაუუკვირდეთ და დასკვნები მერე გამოვიყვანოთ.

შეიძლება თუ არა მიმიკრიის მომხრეთა საწინააღმდეგოდ ითქვას რამე? ვნახოთ. ხშირად მწერები და ფერწელები, რომლებსაც თითქოს დამცველი ფერი აქვთ, ისეთ ადგილასა და ისეთ ნივთებზე სხდებიან, სადაც მათი ფერი დამცველი აღარ არის; ახლა ასეთი კითხვა დავსვით: რად სჭირდებათ სიჭრელე ვეფხებს და ტროპიკის სხვა ცხოველებს? ამოვბენ, ეს შევლის მათ, მსხვერპლს ადვილად ეპარებიანო. მაგრამ ჩვენ ვიცით, რომ ეს ცხოველები **ღამით** ნადირობენ, მაშასადამე, მათ, ფერი დახმარებას ვერ გაუწევს. იმ ცხოველებს, რომლებსაც მტაცებელნი ანადგურებენ, აგრეთვე არ შევლის დამცველი ფერი, ვინაიდან კატები **სმენით** პოულობენ თავის საჭილოს, მგლები და ძაღლები — **ყნოსით**. თუკი მიმიკრია ასეთ უპირატესობას აძლევს ზოგიერთებს, შეუგუებელი, უმიმიკრიო არსებანი რატომ არ გაქრნენ სრულიად ჯამთა ვითარებაში? ყოველ შემთხვევაში, ისინი უფრო ცოტანი უნდა იყვნენ, მიმიკრიანებთან შედარებით, მაგრამ ნამდვილად კი, პირიქით, ისინი სჭარბობენ. ავილოთ გველები. განა ზღარბი არჩევს შხამიანსა და უშხამო გველს, განა ორივეს ერთნაირად არ შეექცევა? რას შევლის მათ მიმიკრია.

როგორც ვხედავთ, ორი სავსებით საწინააღმდეგო აზრი არსებობს ამ საკითხის შესახებ, რაც მოწმობს, რომ მიმიკრიის საკითხი უფრო ღრმად უნდა იქნეს შესწავლილი.

* *

ერთ ზღაპარში ნათქვამია, რომ ნამცეცა ბიჭი თხუნელას ეწვია, და თხუნელამ თავისი ბინა პატარა გამოფიტული ნაჭერით გაანათა. მომხიბლავი ზღაპარი გგონიათ, როდესაც ტროპიკულ ღამეში ბრაზილიის ტყეში დგანარბი, თქვენ გგონიათ, რომ ეს მხოლოდ საოცნებო სურათია, მხატვრის ფანტაზიით შექმნილი. ბუნებას ბნელ

ხეებზე ათასობით დაუკიდნია „ღამეები“, რომლებიც ანათებენ — ოქროსფერ-მომწვანო ნაპერწკლები დაფრინავს ამ ტყეში, ძირს კი, დამაალ-ფენებს შორის, მომხიბლავად ანათებენ სოკოები. მათი უცნაური ქულები ასობითაა გაბნეული ხოტო მიწაზე და ანათებს, ზევით კი, თვალუწვდენელი ხეების ტოტებში, აღმასებივით ბრწყინავს სხვა წერტილები — დღისით ეს მხოლოდ პაწაწა უფერული სოკოებია.

მანათობელი მწერები და სოკოები ხიბლავენ ჩვენს თვალს და ტვინსაც სამუშაოს აძლევენ. არა მხოლოდ ტროპიკებთან, ჩვენშიც არიან მანათობელი მწერები, მაგ. ციციანთელა, ფუტურო ხეც მკრთალად ანათებს ბნელში. მართალია, ჩვენში ძლივს-ძლივს, მოჩვენებასავით მკრთალად ანათებს ყოველივე ეს, და არა ისე, როგორც ტროპიკებთან, თუმც ამ მოვლენის მიზეზი ერთიდაიგივეა. სოკოები და ბაქტერიები ანათებენ, იმიტომ რომ სუნთქავენ, და სუნთქვის დროს ჩნდება სინათლე და სითბოც. ხანდახან იმდენი სითბო გროვდება, რომ ყვავილები ჭკნება. ძველად ბევრ გაუნათლებელს აწინებდენ მანათობელი ბაქტერიები, რომლებიც სხვადასხვა საგნებს ედებოდნენ, მაგ. თევზებს, ხორცს, ხბოს ძვლებს. მე-XIX საუკუნეში კარლსრუეში აუარებელი მანათობელი ბაქტერია გაჩნდა. ღამე ხორცის ღუქანში ხორცის ყოველ ნაჭერს დაინახავდით, იმდენად ანათებდენ ხორცზე მიდებული ბაქტერიები, და მებორცემ შიშით არ იცოდა, რა ექნა — ეგონა, ხორცი მომიწამლა ვილაცამო. ხშირად სასაფლაოზეც შეამჩნევთ ღამით სინათლეს: ცხედარი რომ იხრწნება საფლავში, ამოდის გაზი, რომელიც ანათებს. მანათობელი მიკრობები მოამრავლეს ერთხელ და ღამე მათ ისე გაანათეს ბიუსტი, რომ ფოტოგრაფიული სურათის გადაღება შეიძლებოდა. ასე მრავალფეროვან-უცნაურია ბუნება, რომელიც ჯერ კიდევ ძალიან ბევრ საიდუმლოს უფარავს ადამიანს.

ისარი

ღირიქაბლის გაყინვის საწინააღმდეგო საშუალება

უმთავრესი საშინელება, რომელიც ხვდება ღირიქაბლის ცივ და არკტიკულ ქვეყნებში, საჭირო გემის მატერიალის ზედაპირის გაყინვაა. გარეკანი განსაკუთრებულ ატმოსფერულ პირობებში იფარება სქელი ყინულით, რაც მეტად ამძიმებს ღირიქაბლის წონას და აღარ აძლევს მას ფრენის საშუალებას.

თანამედროვე ჰივანტური ღირიქაბლის თუნდაც თხელი ყინულით დაფენა იწვევს ღირიქაბლის კატასტროფას. „იტალიის“ ტიპის ღირიქაბლის, რომლის მოცულობა 17,000 კ. მ. უდრის, 1 მილიმეტრის სისქის ყინულით დაფარვა იწვევს მისი სიმძიმის გადიდებას 4800 კილოგრამით. ჩვენ ვიცით, რომ უმთავრესი მიზეზი ღირიქაბლს „იტალიის“ უბედურებისა მისი გაყინვა იყო. აქამდე არ იყო საშვალება ღირიქაბლის გაყინვის წინააღმდეგ, ეხლა კი, ამ უბედურების შემდეგ, ყველა დაინტერესებულია და ყველა ცდილობს ამ უბედურების ასაცდენი საშვალება გამოიგონოს.

ამ მოკლე ხანში ს. ვენკევიჩ-ზუბმა შეადგინა ღირიქაბლის გაყინვის საწინააღმდეგო საშუალების პროექტი.

ეს პროექტი მეტად საინტერესოა, რადგან ეს საშვალება მას დაუმყარებია პირად გამოცდილებაზე: — მე მომაგონდა, — წერს ის, — ჩემი ძმის გამგზავრება ციმბირში მას ეცვა თბილი დაბამული პალტო, პალტოს ზეიდან — ბრეზენტის პლაში. ის ზამთარში გაემგზავრა. გზაში წვიმა მოვიდა. შემდეგ ჩრდილო ქარმა დაუბერა და ყველაფერი გაიყინა. ძმაც ყინულმა დაჰფარა. პატარა

ბურძგლა ციმბირის ცხენები მიქროდენ. წვიმას ნამკერი მოჰყვა, მაგრამ ცხენები მაინც არ ჩერდებოდნენ. მეეტლეს თავზე ბანჯგვლიანი ქუდი ჰქონდა და ასეთივე სათბური ეცვა ტანზე. თოვლის კორიანტელისაგან გზა კარგად არ ჩანდა. უცბად გაქანებული მარხილიდან გაყინული ძმა გადმოვარდა. მეეტლე დაეხმარა (თვითონ არ შეეძლო წამოდგომა) და მარხილზე შეაგორა. როცა მარხილი სადგურზე გაჩერდა, ძმა შეათრის ქოხში, ჩამოამტვრიეს ყინული და მხოლოდ მაშინ გახადეს პალტო: ქოხში იგი ცეცხლთან მოთბა და მეტად გაკვირვებული უცქეროდა მეეტლეს და ცხენებს, რომ ისინი თავიანთ ბანჯგვლიან ტანისამოსში ყინულისაგან თავისუფალნი იყვნენ. ნათლად ჩანს ცდიდან, რომ ბანჯგვლიან ტანისამოსს ყინული არ ეკარება, მაგალითად, ციმბირის ძროხები ბანჯგვლიანი ბაღნით არიან შემოსილი, ან თეთრი დათვი.

ამიტომ, ვენკევიჩ-ზუბის აზრით, ღირიქაბლი ცივ ქვეყნებში გაფრენის წინ ბანჯგვლიანი მატერიით უნდა დაიფაროს. რასაკვირველია, ეს აზრი დიდებულია და მისი სისრულეში მოყვანა ტენიკურად შესაძლოა. აღსანიშნავია, რომ თანამედროვე ღირიქაბლის გარეკანის ზედაპირზე გავლებული მატერიისაგან შესდგება, რომელიც წყალს არ უშვებს, და ამ გარეკანის გამო იყინება ღირიქაბლი. ბურძგლა მატერიით დაფენა შედარებით ნაკლებ წონას მოუმატებს ღირიქაბლს, რაც საგრძნობლად არ შეაფერხება ღირიქაბლის სიჩქარეს.

ასე რომ ვენკევიჩ-ზუბის იდეას ლაბორატორიული გამოკვლევა უნდა, რამაც შეიძლება დადებითი შედეგები მოგვცეს.

თამარ ჩერქეზიშვილი.

გაუმარჯოს საქართველოს გასაბჭოების 8 წელს!



მუშა და კაპიტალისტი

სათამაშო ადგილი: მოედანი ან მოზრდილი დარბაზი.

მოთამაშეთა რიცხვი: 14-50-მდე.

მოთამაშეთა განაწილება: პიონერები ამოირჩევენ ორ ბავშვს, რომელთაგან ერთი მუშა და მეორე კაპიტალისტი. დანარჩენი პიონერები დანაწილებიან ოთხ ოთხად ან ხუთ-ხუთად და აკეთებენ ცალკე წრეებს 5-7 ნაბიჯის მანძილზე ერთმეორესაგან. თითოეული ასეთი წრე აირჩევს თავისი შემადგენლობიდან ერთ მოთამაშეს და ჩააყენებს წრის შუაგულში. უკვე არჩეული მუშა და კაპიტალისტი სრულებით უადგილოდ რჩებიან.

თამაშის მსვლელობა. კაპიტალისტი დასდევს მუშას, მას სურს მუშის დაჭერა, მისი ექსპლოატაცია, მუშა გაურბის კაპიტალისტს და უფლება აქვს თავი შეაფაროს რომელიმე წრეს; როგორც კი შეირბენს მუშა რომელიმე წრეში, იქ მდგომი მოთამაშე იმ წამსვე უნდა გაიქცეს წრიდან, რადგან, თამაშის წესების მიხედვით, ერთი წრის შუაგულში ორი მოთამაშის გაჩერება შეუძლებელია. კაპიტალისტი წრეში შესულ მუშას ხელს ვეღარ ახლებს და ეხლა

უნდა დაედევნოს წრიდან გამოსულ მეორე მოთამაშეს; ეს უკანასკნელიც გაურბის კაპიტალისტს და ცდილობს რომელიმე წრეში შეაფაროს თავი. მის წრეში შერბენისთანავე წრიდან უნდა გამოიქცეს იქ მდგომი მოთამაშე და ეხლა ამ ახალ მუშას უნდა გამოეკიდოს კაპიტალისტი დასაჭერად. თუ კაპიტალისტმა მოახერხა მუშის დაჭერა, როლები იმ წამსვე შეიცვლება: მოთამაშე, რომელიც მუშას წარმოადგენდა, კაპიტალისტის როლს მიითვისებს, და უწინდელი კაპიტალისტი კი მუშისა; ახალი კაპიტალისტი გამოეკიდება მუშას დასაჭერად. რომ თამაში მოსაწყენი არ იქნეს, საჭიროა მუშისა და კაპიტალისტის ხშირი გამოცვლა.

თამაშის წესები: 1. კაპიტალისტს უფლება აქვს დაიჭიროს მხოლოდ წრის გარეშე მყოფი მოთამაშე, წრეში შესულს ის ვერ შეეხება.

2. როგორც კი შეირბენს წრეში მუშა, იქ მყოფი მეორე მოთამაშე იმ წამსვე უნდა გაიქცეს წრიდან გარეთ.

3. წრიდან გამოქცეულს უფლება აქვს იმ წამსვე დაბრუნდეს ისევ თავის წრეში, მეორე იქ მდგომი კი მაშინვე უნდა გავიდეს წრიდან.



გაგოღის

1929 წ.

გაგოღის

საყმაწვილო დასურათებულო

→ ჟურნალები ←

მოსკოლისათვის

პიონერი

ორკვი-
რეული

IV წ.

მიიღება ხელმოწერა 1929 წლისათვის.

ჟურნალი ღირს გადაგზავნით:

წელიწადში — 5 მან.

ექვს თვეს — 3 მან.

სამ თვეს — 1 მან. 50 კაპ.

ცალკე ნომერი — 25 კაპ.

მცირეფორმათათვის

„მკბრეობრილი“

ყოველ-
თვიური

III წ.

ხელმოწერა მიიღება წლით და ნახევარი წლით.

გადაგზავნით { „მკბრეობრილი“ — ერთი წლით — 3 მ. 50 კ.
ნახევარი წლით — 2 მ.

ცალკე ნომერი — 35 კაპ.

მისამართი: ტფილისი, რუსთაველის გამზირი, № 22, სახელგამი. ასაღვასრდბთა
სექტორი (მეორე სართული). „პიონერი“-ს და „მკბრეობრილი“-ს რედაქცია